



葵青居詩錄

勵存集

吳縣石渠梅孫

黃同叔丈

詩鳳

屬題尊甫堯圃先生問梅詩社遺

冊卽步冊中家琢堂師原韻

老成負夙望風雅垂家聲繁余到門晚未獲親平生披  
圖一椘觸懷舊無限情我祖與而翁曾結歲寒盟後先  
互凋謝零落拾餘英契好在昔年人亡交不更遺卷藏  
篋衍後輩歌載賡問梅梅無恙所慚鳴鶴鳴

睇雲圖予從母之夫祝芷鄉丈為悼亡作也越今

二十年索賦感題

葵青居詩

鏡臺一分手天際擁雲軒曹植洛濱賦襄王夢裏魂傷  
神空鼓瑟破涕且開樽為報重泉曉于今已抱孫

我欲披圖看悲懷慘不支可堪題畫者正是悼亡時愁  
緒當年結嚴冬此味知寒雲方滿目何處話情癡

和張研孫

鴻基

夢經野塘見白蓮作

野塘一抹漾虛明花葉因緣夢裡成便是曹騰多變幻  
依然冷淡見平生文章不露才真絕色相俱空界愈清  
桂子無緣蓮性在好從白社證前盟  
來書有云桂花與我輩無緣  
淡月微濛水不波吟魂彷彿此經過託根本是塵難著  
傅粉還嫌色未和青眼如君真賞少素心似我別愁多

並頭那得頭同白唱到蓮儂喚奈何

題王耕翁士錦茂才望山圖

迢迢山前路鬱鬱山中柏廬墓有時返思親無日釋繪  
圖寄所思滿紙淚痕積始知陟岵生鯉門先死無異迹展卷  
見孝思因之感先德尊甫人中豪稜稜撐傲骨生名元  
辰以諸生吳三省案同時被逮者數十人事  
白獨先生與馬焯袁仁虎遣戍士林義之往者諸生  
獄庠序困羅織先生奮然挺身當其厄陳東坐舉旆  
范滂冠黨籍義與雲霄並身為同袍屈豈但人子心霜  
露懷明發人望之所歸高山不可卽

李藝齋僚婿悼亡詩題後

葵青居詩

寒風吹折窗前竹黯入孤燈人獨宿未解當年失侶悲  
淚痕乾處眉猶蹙悼亡新什倏傳來語語傷心字字哀  
爲我愁深無自遣知君腸結那能回回腸百結心如擣  
五載良緣眞草草蕭陸叨聯共袂親芳儀我已聞之早  
香閨少小婉清揚阿妹相隨阿姊旁拜月分攜羅袖薄  
穿鍼共引彩絲長穿鍼拜月休留戀先後郎家咏鳴雁  
寶馬香車邈迤來萍花橋畔藏深院三月羹湯手自調  
融融色養日方饒布裙不羨羅紈麗椎髻還能井臼操  
罷操井臼銀燈續鍼綉蘭窗伴宵讀和鳴合比繡鴛鴦  
百歲方長嫌未足一夕驚傷比翼羣一朝唱出孤飛曲

孤飛別淚灑西風花已辭枝水又東此際追歡歡盡散  
此時引恨恨難窮前年我自悲長逝秋蟀春鷓鴣佳致  
兔毫禿盡麥光殘難訴鰥魚無限意聞說閨中念姊心  
一編傳誦曾垂涕誰知爐箠乍經年姊妹牽連赴九泉  
一絃一柱華年數又見君家錦瑟篇去歲窮冬正飛雪  
君曾爲我情淒絕今歲冬來雪欲飛我更爲君腸暗裂  
同是閒居作賦人那堪相對愁情說漫把愁情眷別離  
同林各夢境差池花紅雪白男兒在便是尊前慰解時

黃同叔丈與其姪飲魚

美鑄

移居乘馬避巷索詩

得七律二首

葵青居詩

三

人境居然結宅幽一廛百宋想前修底須廳事能旋馬  
尙有奇書足汗牛彭澤素心饒隱趣稚川眷屬盡仙流  
北堂並喜春暉永笑口常開到白頭  
烏衣門巷落花香到處能成翰墨場交愛竹林如水淡  
地連槐市待花黃昔年曾讀移居畫今日重賡伐木章  
從此清嘉里居近好隨巢燕往來忙

題望山第二圖

一抹松楸望裏勻淚痕應共墨痕新不堪把卷今重讀  
我亦喬柯失蔭人

芒鞋踏破幾斜陽歷盡巖阿路短長輸爾佳城能早築

河山一角鬱青蒼

蕉窗夢冷圖

繩牀經卷夢低徊多感檀奴序玉臺吹徹瑤笙人不見  
蕉陰依舊上窗來

綠天深處慣臨池鬢影春風憶舊時此日可憐愁莫展  
抽來一葉一相思

陶宮保印心石屋

一德符昌運賢臣慶嶽生穀貽惟孝友世篤是忠貞都  
督源流盛長沙族望清碧蘿新畫本紅藿舊灘聲碩輔  
今開府先公此息耕書嘗親手授石記印心名鯉對叨

葵青居詩

四

庭誥鴻儀叶國楨秋香攀桂籍春暖泛蓬瀛喜射金階  
策華簪玉殿纓奇才推李嶠佳句說韓翃冰向漕河禱  
文從蜀道衡

九重知素行廿載耿丹誠夔巒彤庭舞鷗閒白水盟  
眷深頻晉秩材大仁調羹自建江東節曾瞻道左旌羊  
君言慎密呂相度和平鹽法疏能鬯堤工靜不驚三江  
傳績茂萬口勒碑成宣室俄陳事單車亟啟行槐班依  
鷺序薇省聽雞鳴虎拜朝儀肅

龍顏霽色呈

恩綸承處近世系述來明里志桑還梓年光蟀間鷓田

園欣好在堂構勉重營奉

詔新恩渥傳經夙感縈溫詞邀

帝聽佳話入延評

聖度涵無外

皇衷鑒至情瑤章

宸翰灑銀紙

御香盈寵拜

堯階賜親從

舜陞擎千秋詩禮澤四字古今榮丹闕朝辭鳳青門暮

鱸鯖兩行迴棨戟雙旆引歸程北路星占使南轅月耀

葵青居詩

五

卿張來歡比戶寇借遂羣氓錦帶閒平政珠旗待閱兵  
鸛鵝軍欲簡猿鶴駕遲迎舟楫匡時切鄉關入夢輕山  
川雄楚地絃誦接吳城圖效文翁繪歌慚下土賡雲祔  
看奕葉長此毓奇英

飲魚自題其夫人李定之

慧生畫冊

清辭妙繪總成雙幅幅花箋小著行卻笑當年文淑筆  
留題幾見趙家郎

幾人豔說買春回筆底花枝頃刻開可怪入門常給爾  
不曾持得一錢來

貞婦王氏詞

蓬山天遠離鸞弔貞魂來往京江道三尺苔封護紫泥  
春風不長紅心草王娘義烈古來稀賴有神明爲表微  
閒向棠陰談軼事琵琶譜出泪沾衣婦家卻住丹徒地  
自小蓬門徵秀異讀史何知趙母賢聞歌每歎陶嬰義  
于歸早見賦桃夭吹徹求凰是鳳簫春色玉臺鸞舞鏡  
秋期銀浦鵲填橋入門漸識傷心味百計承歡歡不易  
好女方悲作婦難旁人偏識慈姑意前生應是孽緣深  
結得黃冠世外因阿姥那知憐白壁道人祇解擲黃金  
女貞每被罡風妬打鴨驚鴛朝復暮濁水難從淨土流  
暴雷莫測高堂怒頻通芳訊到妝樓可恨登徒抵死謀

葵青居詩

六

飛絮儘隨新燕舞名花肯被晚鶯偷從此舅姑都不悅  
從此貞姬愈修潔曉汲惟容水鑑形夜眠不許風排闥  
大歸里黨爲銜冤小故蒸梨奈可援紫鳳頓看穿籠去  
蒼蠅還肆集樊喧孤鸞遽反慈烏哭羈雌便疑鴛儔續  
女志偏同鐵樹堅娘心枉是燈花卜經年掩恨守空閨  
淚盡閒階碧化苔忽地香車重促駕畫眉還傍舊妝臺  
殘更催夢秋燈黑何物蛇行到牀側穿穴徒勞黠鼠工  
絕裾還仗驚鴻力仰天一慟恨如何顧此微軀值幾多  
九死忍教蠅玷壁半生已等雉羅愁來祇覺人間仄  
茫茫後路惟沾臆一曲酸聲黃鵠吟三生薄命紅絲石

腸斷羅衣手自縫蛾眉臨死計從容  
拚將蟻命酬夫婿偷得鳩膠自阿翁  
蘭香一霎塵緣絕銀蟾匿影蒼龍泣  
倩女魂方蛺蝶離有人夢正鴛鴦熱  
風聲肯使婦家聞奔赴惟言病莫名  
鵲噪鴟張情慣遁笞鸞毒鳳事難明  
是非苦爲羣言亂匆匆竟了琴堂案  
鐵索何曾逮羽流桐棺早見埋荒岸  
竇娥齋恨幾時伸里黨同聲感不平  
奇節自來天亦憫洗冤可歎吏無人  
攔街竹馬兒童笑烏臺恰喜周新到  
削牘方憂狀莫求覆盆誰信冤能照  
飛符一夕過江流漏網鯨鯢看坐收  
政肅豚魚多革面讞成鬼蜮只低頭  
邪蒿那禁風霜疾刑章早正鋤奸律

葵青居詩

七

白簡朝伸獬豸心赭衣夜飽蝥螬血  
維持風化古懷存更聽陳詞叩紫闈  
激濁揚清王者政褒貞獎烈

聖人恩降來芝檢青雲上豐碑突兀  
看相向黃絹誰題幼婦詞紅妝自表  
傳人樣冰清雪豔鎮千年青史他時  
合共編太息秀姑終洩憤還因劉寵  
不名錢眼中敢說循良少文書可奈  
多顛倒花縣但求狴犴清蘭臺慣畫  
葫蘆藁于公明察古來無快舉時時  
誦士夫按部聲清今鷹服摘奸才大  
古龍圖自來賢婦多難及往事愁提  
震川集桃李方悲繡閣僵葡萄已報  
官衙入黑雲蔽日幾多時始見秦臺  
正獄詞俗吏但知營賂急幽魂應悵

復讐遲古今合唱傷心調官清所喜能除暴弱女偏知  
節烈扶大賢恍有神明告秋風芳里悵曾經何處高墳  
毅魄停一唱杜鵑紅淚溼不堪山色古來青

家祠在石湖越城橋之東今冬葺其旁室鑿壁設  
窗全湖見焉因摘坡翁句顏其室曰好湖山處落

成喜賦

故鄉無此好湖山卻有湖山一碧環分外光明窗四面

天然位置屋三間漁村孤隱秋雲白祠南有漁家村塔影雙懸

夕照殷靈巖塔亦在望何日移家朝暮住夢魂常伴野鷗閒

故鄉無此好湖山坡老當年一遇慳溪姓不須因我改

葵青居詩

八

墩名未免笑予頑探梅客至春移棹寓讀人夾晝閉關  
無分南園能乞取結廬且喜隔塵寰

自題三十九歲小照

封侯豈是此頭顱四十年華過隙駒有限光陰消筆墨  
無聊身世託菰蘆不傳人口文焉用差慰親心病漸蘇  
倘約石湖偕隱去一船準擬楸頭租

此錯真如鑄鐵同仙山才到引回風敢誇猿臂偏能射  
強畫蛾眉總未工乾蔭竟摧傷李燮師資難得是揚雄  
人天一種酬知淚逆入思親痛哭中

那得金鍼度後生臬比謬擁竊虛聲偶然選石非關癖

隨分臨池豈爲名雪裏孤蹤憐野鶴花間巧語笑流鶯  
敢將恩怨分明說濁酒尊前且自傾  
尋歡懶逐少年場室有琴書味自長世事任他雲變幻  
天倫容我日徜徉半間老屋三分竹兩代詩名一瓣香  
欲乞新詞灑珠玉羞將糠粃向風揚

戲題閨人二十八歲小影

小立亭亭笑欲呼眉痕鉤月上新圖玉臺賺得重圓鏡

莫向溫郎喚老奴

婦故爲子  
中表親

量鹽課米尋常事繡鳳描鸞未足誇卻記漁洋詩句好  
不教兒女衣蘆花

葵青居詩

九

九轉丹成望眼穿無緣拔宅作飛仙青衫我已添蕉萃  
一種癡情又七年

一塔楞伽現樹端石湖煙雨畫中看他年若遂扁舟約  
卿製荷裳我釣竿

不寐

夜窗蕭冷不成眠病骨支離倍黯然添得庭陰蕉一本  
秋聲常滿枕函邊

病起示芝孫

一病荒涼百感生此身退步未分明世情豈必秋雲薄  
我意先爲落葉驚學不到家由志短人當失路要心平

夜窗燭燼言難了還聽歸鴻月下聲

寫懷柬飲魚

家業飄零仗一身那堪宿疾復逡巡全無意興惟餘懶  
縱有文章不療貧捫蝨敢談天下事登龍只讓少年人  
比來止酒愁難解賴爾交情似飲醇

雪中泛舟至石湖祠舍同毛珍亭妹夫農生家叔

省補漵六兩弟

冷氣逼孤燈寒聲戛庭竹竟夕如蠶眠重衾不煖足曉  
來倦未起老婢爲余告昨宵漫天雪紛紛尙飛落披衣  
急開門積素滿林木因鼓扁舟興呼伴相追逐數錢市

葵青居詩

十

豚蹄移棹出城郭曖曖胥江渡家家門下箔兩岸悄無  
聲惟見林容肅飢鴉飛不高墨點團幾簇紅牆界玉帶  
微辨禪林屋疏枝忽添肥虬龍怒欲攫平疇白無際瑣  
碎露寒綠冒冷倚蓬窗奇景看起伏窗隙當紙闌頃刻  
畫千幅入門謁先靈舍舟橋頭泊煖酒累十觴飽飯興  
重屬虛樵齊高挂憑欄恣遐矚兩三漁舟外彌望惟漠  
漠山骨沒峻嶒一塔凌霄矗天上白玉樓疑卽人間琢  
吳中稱大藩生此庸非福誰知連歲荒瘡痍未全復三  
白兆豐年眼前轉窮蹙編茅支一椽積重恐傾覆便有  
隔宿糧過此將焉續我輩趁閒遊徧地看如玉安得箋

天公化作千鍾粟

有感

認是三生杜牧之  
綠楊影裏趁鞭絲  
春來一入揚州夢  
便到清秋醒不知

寄懷珍亭

款款深情一片持  
十年戚好比連枝  
多君曲突常參議  
愧我勞薪不任炊  
鬪酒最難當勁敵  
看山曾許結新知  
欲將情話殷勤訴  
近局招邀想未遲

徐吉人妹夫悼亡

撥上瑤琴曲不調  
頓教潘令髮蕭蕭  
前身豈解天花散

葵青居詩

十一

弱質偏隨木葉凋  
大抵賢勞多命短  
全憑詩句當魂招  
繩牀曾下鰥魚泪  
可算知音話寂寥

清歌一曲雉朝飛  
十五年頭事事非  
齋奠猶虛元相俸  
淚痕莫上老萊衣  
愁聽妙子林間喚  
幸有佳兒膝下依  
新婦玉臺方聘得  
好留鍼線繫慈暉

鷺湖曉泛

澄波一碧漾朝暄  
柔櫓聲中靜不喧  
行盡清溪村落見  
此鄉合喚小桃源

子方涑生

天道貴大生人道重  
似續多男誠多累  
無子哀榮獨我

年交四十充閭尙空祝不繼商瞿蹤恐追鄧攸躅爾今  
居然生墮地嗶嗶哭我母色然喜歡聲動婢僕是時天  
雷雨倏焉淨如沐親朋入門來賀我衣冠肅抱兒上高  
堂觀者如雲簇顧茲眼前景但覺心棖觸記我初娶妻  
踰年巽象告方期掌弄珠旋見懷投玉奄忽七年間四  
女曼以育阿父待抱孫到此空盼矚阿婦常懷愁壽命  
隨之促迫我再娶妻轉瞬痛風木忽忽又八年蘭夢斷  
難屬爾今居然生爾生胡不速俗語記故老有子萬事  
足如我遇歡懷反增淚盈掬返哺今無時離鸞舊有曲  
徒作老牛愛犁罷一舐犢

葵青居詩

三

游杭道中

朝來解纜趁南薰纔過盤溪路漸分一角吳山松萬樹  
榜人指是太師墳

夾岸垂楊面面風踏車聲徹路西東舟行不比丹陽道  
盡日泥山屈曲中

一路柔桑夾岸栽暮蟬聲裏夕陽積林間燈火星星上  
知是前村新市來

炎歊攪夢不成眠客況迷離一枕邊曉起推篷挹西爽  
青山齊供水窗前

長橋一道卧平堤萬瓦魚鱗曼曼齊買得新絲買痧藥

是鄉風物說塘栖

蔣陶谿天台策蹇圖

帽影鞭絲畫裏逢  
桃花入夢太匆匆  
漫漫言叱馭能忘險  
卽論詩情亦自雄

作尉何妨號謫仙  
鴻泥蹤跡有前緣  
而今驢背看山穩  
更寫尋詩孟浩然

秋晚過寒山嶺

一步一回翔  
秋陰石徑涼  
蒼松盤曲磴  
紅葉絡危牆  
天末已歸鳥  
林梢猶夕陽  
村農收穫好  
稻把擔來忙

游虞山

葵青居詩

三

城形亘長繩  
山形頑若牛  
捫蘿入山腹  
萬壑而千邱  
同伴六七輩  
一例坐竹兜  
輕如小車騁  
幄幕張青油  
緇衣爲導師  
曲折視所由  
劔門何峭拔  
壁立風颼颼  
禪房探幽處  
名句工雕鏤  
拂水有山莊  
蒙垢弔蒙叟  
到處縱臨眺  
畫圖不勝收  
山僧具羹飯  
蔬筍逾珍羞  
愛茲山中寺  
尤愛凌山頭  
羣峰互起伏  
煙霧相沈浮  
微雨天忽暝  
啼徧林中鳩  
夕照絢西岷  
草樹清愈幽  
萬綠圍一身  
雲影衣上流  
好景恐易盡  
轉望路阻修  
前塵廿年餘  
約略覽一周  
山靈倘識我  
樂哉呼此游

劉澗香

世丈以七十述懷詩見示奉和

鶴壽不紀年松姿古彌隋先生齒德尊丰儀清相肖我  
年十有七始識先生貌先生善屬文詞壇聲名噪子舍  
結文社摳衣就考校先生覽我文謂孺子可教棄瑕錄  
其瑜不惜諄諄告縱轡向春風聯鑣入學校劉石本世  
交新知更永好無何廿年餘隨身猶席帽後輩意氣闌  
先生愈兀傲腰腳從人鬪山水恣游眺鳩杖不須扶臨  
風自舒嘯有時簡新詩就我徵同調有時作小篆示我  
皆佳妙濛濛細雨中著屐忽逕造興至日再來迎門屣  
爲倒旁人不識翁謂翁何騰踔迨聞年七旬益驚出所  
料始知魯靈光先生稱其號星昴逢朔易懸弧當及隩

葵青居詩

十四

一卷述懷詩平生自寫照老至筆更健心虛德益劭索  
和及賤子珠玉愧前導陰德素耳鳴諛詞焉敢效聊敘  
下交情追憶及年少庭梅甫著花未春蜂先鬧美意獲  
延年子卜勝杯琰

張誠齋課易小影

悟徹山僧夙世緣閒從兒輩玩義編峨嵋莫問前頭路  
卽論人間亦散仙

橫海戈船拉雜中一腔熱血灑虛空華亭鶴唳聲嗚咽  
我亦前身徐閣公

題程雲門遺藁

雲門故習舉業誓不游庠不娶無何卒聘室倪  
守貞不嫁其表弟張雪樵撫其事裝成此冊

高才多抑塞立志彌堅貞聞風起頑懦況乃夫婦情夫  
婦無一面恩義重死生遺草旣哀輯苦節亦光明異室  
而同穴千古留芳名

瑞光寺晚眺同飲魚研孫

一徑入寒翠頓教遠俗氛朋歡閒裏合秋色靜中分塔  
影擋殘照鐘聲暝暮雲僧寮茶話久歸路悵離羣

程序伯畫冊爲其弟子林少初

志鴻

女夫題和同

叔丈韻

葵青居詩

五

省識丹青有替人莫教妙畫竟通神開緘捉塵時披拂  
我想當年段去塵

哭次兒方溼

豈是前生種孽緣塵寰七見月輪圓玉京未免趨朝早  
一朵芙蓉化碧煙

急影殘年一病過春來漸喜體調和那知杏子殤依舊  
淚比樓頭夜雨多

病經一霎最難堪祖母青門信未諳何事能增堂上喜

偏教反袂哭孫男

時老母在二妹邵宅

命名嘉瑞話夷亭清叔高科姓字馨一紙平原投刺去

片時猶白寫方涇

宜男四十已嫌遲纔獲雙枝折一枝曾爲竹林腸斷處

隻棺又向石湖祠

鷺洲家叔年五十三矣  
一子甫十二以去冬殤

錦瑟當年引恨長閨人應未舊情忘憐伊襁褓無知覺  
別向泉臺認阿娘

和韻酬同叔丈

旣晴仍復雨天竟不相憐頓變凶荒歲況牽婚嫁緣茶  
根須耐苦米汁且參禪屋漏牀牀溼深宵未許眠

水災行

一雨不知止一止又復雨一雨二十日卽水卽是土舟

葵青居詩

去

楫上橋梁波濤生門戶釜從高座炊魚可登牀數樓居  
危若巢穴處困於圍吳鄉本澤國至此水爲府工者輟  
其工賈者絕其賈農民尤可哀田疇不能伍插秧并無  
秧雖晴亦何補米價日以高窮民日以苦大吏瞿然呼  
循例稽文簿卜日議捐輸行當俾安堵記我墮地來水  
災凡三觀嘉慶甲子道光癸未吳  
中皆大水今災尤甚遠者甫童孩近猶詳  
所處天災本流行撫臣賴善撫我思林文忠今歸在何  
所

劉研青

廷楨

席上話舊口占

玉樹庭階傍大椿萱闈我亦慶芳辰與君異姓如昆季

同擷芹香三十春

宿九龍塢

山居常起早雨意迺遙天雲抹巖腰樹風沈屋角煙看  
碑苔淨掃覓酒竹深穿歸路聞琴筑剛添石上泉

感事

吳越分藩記廣陵豪情土水一齊興南園芳草年年綠  
古墓有人窺漆燈廣陵王墓在九龍塢嘉慶道光間鄉人盜其地畧盡吳中子姓發其事漸  
反故地抔土贅石勒石表焉

副使猶名舊住街佳城忍沒荒厓分明高敞行營地  
卧道惟存沒字碑城東孔副使巷為明孔鏞故宅墓亦在九龍塢前數年幾為鄉人夷去以

葵青居詩

訟得保而墓碑磨盡無一字矣

展毛氏家祠

行到禪關路盡平空山廟貌仰重營英靈自古無生死  
忠義於今見弟兄隔竹嵐光當戶綠過牆泉水入池清  
莫言此地嘉魂魄青史常垂身後名始祖毛吉死事粵西有附魂還餉事見湯文正明史藁維張明錦衣衛經歷死甲申之難見明史紀事吳人殉節者止維張一人祠有湯文正匾弟爾張諸生聞國變縊死于祠

下堯峰

山行不知處一徑踏寒綠古寺渺何方微辨林間屋屋  
小不容佛金身幾卷曲閒庭卧廢鐘款識粗可讀鐘為明范

允臨同妻某氏捨以祈嗣四望無房寮當階空躑躅荒落來幾年誅

茅待重築初地不屢游振衣上層麓

### 中堯峰

行行步漸高鋪地徧短松山勢平而曠山形廓乎容置  
身疑絕頂盤紆仍數重果否避水患堯時登此峰邈迤  
歷山脊石塔峙其東何來睥睨狀卽之迺垣墉其中無  
一樹殿宇更空空徒留盤蛇勢百丈任橫縱聞昔全盛  
日萬履隨鳴鐘一自建茲塔敗如孳隕風埋骨雖有地  
僧侶逃無蹤主僧葬塔中塔旁石坎四爲大眾叢葬所欲叩風水說來往無  
人逢感此重眺望白雲回首封

### 葵青居詩

#### 上堯峰

上方何處所乃在山之陽峰回露寺宇林木鬱清蒼拾  
級進山門曲折循回廊雖無金碧相修整自法堂老僧  
年九十病鶴同疏狂茶罷試隨喜層層啟雲房高陵何  
突起齊語殊荒唐出門瞰太湖咫尺見汪洋萬頃祇寸  
碧煙水接混茫臨風一長嘯山鳥爲回翔游倦動歸興  
夕照引路長

#### 龍門

龍門高百尺壁立何聳峭天風折之回化作猿聲嘯濫  
雲勢若傾搖搖日光照對面萬界空下瞰臨深淖游人

坐竹兜窄徑行恰好天壤奇險境豈必蠻荒徼日夕虎  
邱濱此山人不到

病起

漸除魔障病重蘇抱影樓居一事無舊業久荒輸蠹飽  
新交已定學禪枯何來故鬼隨新鬼巫媪語可笑  
近始知之尚望  
今吾勝昔吾磨折經年身未死阮生不信困窮途

適適吟

壬子元旦

巽方湧現海雲紅曉日臨窗積雪融兩字恩榮新貢士  
一堂拜讓舊家風尚餘逸興能尋樂只少奇文爲送窮  
蔡青居詩

九

老母七旬兒十歲病蘇差幸未成翁

將赴北闈試連夜夢故友黃飲魚勸行

行藏不定幾低徊疊疊愁心付燭灰偏是死生交莫逆  
幽魂勸到夢中來

北上述懷留別故鄉諸親友

春風催我上行舟無限離情逐水流長路三千方縱目  
年華五十已平頭明知入世成何味漫說登仙在此遊  
天末歸鴻同北嚮輸他能作稻粱謀

此行忍比絕裾逃多謝良朋計畫勞

黃同叔丈  
有詩阻行

惡我豈

能投藥石欺人最苦用錢刀艱難門戶憑誰恃閱歷關

山亦足豪說與高堂休倚望他鄉未敢久遊遨

秋心卅載歎飄蓬努力還期晚蓋功下士求名懷夢草  
男兒作計可憐蟲故交日下圖歡會稚女燈前話苦衷  
最是山妻知別恨情無一語倚簾櫳

紛紛祖餞感親情憐我衰遲事遠征病久原知安逸好  
飢來看到別離輕空嗟老大無長策敢信文章有定評  
此去背城拌一戰但留餘地待歸耕

與黃同叔徵君話別

卅載知交忽遠違欲言不盡但依依窮途笑我枯魚泣  
息影輸君倦鳥飛

丈舉孝廉方正科辭不赴考

敢說行藏原異轍每

蔡青居詩

三

慚得失未忘機相逢他日應相傲曾向江山覽勝歸

哭女夫林少初六十韻

游雲擁炎轡火繖凌空張一紙颯然至冷氣生虛房執  
書未卒讀眼昏舌亦強林子我快婿儀度美且揚天性  
篤孝友筆墨皆成章一朝遽物化夢寐驚倉皇顧茲慘  
心目聞信況他鄉含淚惡乎哭旅館淒以涼隻身羈塵  
網安得凌風翔記我初識子始自江夏黃少友相追逐  
進退惟安詳讀書頗聰俊世務知其綱黃丈爲我言是  
子洵嘉臧聞君方擇壻此可副東牀因之結絲蘿準備  
女兒箱殷勤來奠雁門楣生輝光相攸如韓樂嘖嘖口

齒香日夕誼益親相持復相將我性喜淡岩子亦樂徜徉我愛山水遊子常一葦杭師子以畫宗立雪舊門牆識我之所識老輩相頡頏亦能自取友意氣爭激昂餘藝資探討種種窮毫芒問子何所好饜飫非膏粱愛於梧葉下風雨聽鏗鏘風雨何可聽斯言大不祥違時嗜蕭瑟處境恐有妨如我且五十猶未敢頽唐春風挂帆去京國馳康莊東山鬱蒼翠河水瀾汪洋花光今滕縣雲氣古芒碭連橋環十二趙北口隄防輪蹄蹴犖車聲轉回腸他日紀遊圖惟子畫筆良那知胥江道一別成參商計子撒瑟辰我方處歡場迨我得子耗弱草久

葵青居詩

三

罹霜去年我臥病調護感多方子今病且死執手曾未遑聞子初染疴纖疾起疔瘡疔瘡是何物促子以夭亡睽言懷我女六歲失其孃既嫁得所天我願差可償所天忽頽傾忍死定披猖山妻來視殮勸解應在旁曾否呼阿爺相隔路阻長作書與我女敬斜不成行名心留萬一遺墨宜收藏幸哉已有子上可慰高堂高堂雖可慰我念轉傍徨往者序老書一言記勿忘冰清與玉潤惟君兩相當冰清方多愧玉潤倏摧戕誰歟資以老百感滋茫茫家人恐我戚不惜寄書忙體此且寬解觸目重增傷古視端溪石佳筆紫毫銚是我出門日一一助

行裝詩成硯亦枯擲筆呼彼蒼

題程紫荷蘇臺話別圖時余將南歸

幾多朋輩悵離羣我在天涯快遇君孤館乍聯今舊雨  
浮蹤又指往來雲料知吳市縈歸夢未免燕臺戀夕曛  
他日春風如有信一龕香雪共論文

歸家

離鄉八九月來往六千里昨宵報罷信先我到吳市上  
堂拜阿母阿母遽然起喜極反無言將兒周身視稚子  
出塾迎山妻呼湯水有弟墓祭回相見彌樂只我生習  
鄉邦遠遊自茲始客裏苦思家邁歸庶知止高官奚足  
蔡青居詩

榮不如奉甘旨一室聚團欒不第亦已矣

苦旱遇雪志喜

吳中夏苦旱聞信嗟咄咄經秋返故鄉乾晴又累月豈  
無雨溟濛時下亦時歇坐是地脈枯舊井不能涿城外  
運水來首尾船相接載水舟忽阻載舟水先竭擔水入  
城闔擔糞出城闕峩峩閭門道垢污交衝突流民自何  
來鳩形兩旁列救渴已無方救飢復何策訛言況四聞  
憂愁不能說北風颼然至同雲曖空積飛花大如掌俄  
焉彌天白春疇滋灌沃疾病暗消滅得茲勝時雨城鄉  
俱歡悅因鼓尋梅興出郭縱步屨來往不逢人隱隱見

鶴迹問爾豐年兆何似堯時雪

歲暮東郭生春齋

日煦

雪花飛影灑窗虛綠酒紅燈意自如可記征塵低首撲  
西風茅店夕停車

君因歌曲感人琴我爲黔婁抱恨深可記春明相聚處  
夜燈慰藉互關心

膽瓶齊供歲寒枝早晚椒花進頌詞可記斜陽篷底坐  
水程相數到家期

少初以團扇索書置之篋衍未有以應也今秋檢  
得去其沒時箒爐再易矣感書三絕付我外孫

葵青居詩

三

團扇光陰落照中追歡不隔路西東可堪宿諾思重踐  
下筆空攀挂劍風

鴻泥舊印記京華欲寄相思去路賒寫就羅紈剛入手

一輪圓影又空花

余在都時曾以團扇索書畫於顧子  
山比部潘星齋侍郎寄贈已不及見  
矣

淒涼舊館易黃昏棋局拋殘鶴不存

弈鶴館少  
初齋名

祇向秋

風幾披拂女蘿深處替招魂

視芝孫弟葬述哀

獵獵西風幾白楊麻衣曾此其登場忽傳蒿里歌三疊  
又灑荆枝淚數行隻影何堪來執紼芳春猶記卧同牀

從今生死悠悠隔兄在孀旁弟父旁

先向泉臺間起居廿年心事最愁余多因才薄家居老  
便是親存祿養虛一昔泥痕鴻渺渺三生夢影蝶蘧蘧  
九原嫂叔如通問嫁女今剛勅斷餘

雜詩

牆宇高連雲鬱鬱誰家宅中有金銀氣主人善居積奇  
贏有深算歡讌無良夕壽命不可知厚貲忽焉擲豈無  
子與孫先殂斬其澤族屬議承嗣大殮七日越西家有  
寒儒家藏惟書冊同時歸大化有子慎易簣喪禮雖未  
治呼號盡悲戚以此兩相衡孰得而孰失

葵青居詩

十四

虞舜稱大孝頑嚚無諱詞誰歎阿家翁顧乃躬蹈之豈  
知瞽雖頑亦有底豫時胡然毛裏近痛癢竟不知聞爾  
爲人子未必道無虧一自爲人父迺爾煩苛爲孝養原  
當盡忠恕亦當思所以古人語中道爲維持子與子言  
孝父與父言慈

深屋熱爐火狐裘黑貂冠美酒日再御啟口猶言寒侵  
晨踏冰霜單衣不掩髀日暮肩擔歸亦惟言寒耳此理  
我不解欲起問諸天天容慘不語朔風烈如前

秋晚寫懷

自笑謀生拙終年仰屋多量移脩脯入立限米鹽苛活

計蛛牽網奢心鼠飲河囊空翻芥視放眼且高歌  
自歎衡門下科名一第艱酸聲篷底雨殘影馬前山失  
意無南北浮蹤誤往還文章憎命薄掩卷淚潛潛

自悲蒲柳質憔悴近如何苦李途邊棄勞薪爨下過晚  
蠶絲易盡秋蝶粉無多稅駕知誰是駸駸馬下坡

自喜年過艾猶爲膝下兒良辰游覽日深屋笑言時吉  
語人爭壽婆心佛並慈夜燈書小字目力尙堪支

自幸閨房裏曾無詬誶聲事親能佐我嫁女最憐卿門  
內條條事燈前脈脈情明朝空乏語不敢向余傾

自慰宗祧念駒兒漸長成祀先能繼拜謁客每隨行應

### 葵青居詩

五

許書香接還防稚氣生明年攜取去孤館伴燈檠

自傷同氣少一弟竟先徂淚漲秋江雨魂飛故苑梧弟

避難沒於吳江同里鎮聯牀塵夢幻問字夜燈孤別有愁情結遺

雛受教無

自思無計出有妹在天涯苦趣籠中鳥浮根鏡裏花妹

男皆不育北風音久斷歧路看多差何日重相見扁舟早到

家

自痛身孤露回頭二十年遺音書卷索哀思酒杯填菽

水何曾養箕裘豈曰賢吳山邱墓在歸路滿荒煙

自憂承世澤門戶半凋傷但覺財源塞翻添喪算長春

花都著雨秋草易經霜所幸猶親睦相期舊業昌  
自惜平生友先秋已半零同歸頭未白欲哭草重青緣  
盡歡難縮思深夢不靈棋聲消舊館還怕壻鄉經  
自念江千客音書斷雁賒冬烘仍苜蓿秋水自蒹葭此  
日離羣感當年雅集誇本來歡樂短聚散悟搏沙

前詩意有未盡復成八律

自愧百無能虛聲謬見稱何曾文繡虎未免紙鑽蠅畫  
併難供食吹齋況誤懲尋思無一可薪火覩傳燈  
自疚心中事難爲范叔貧千金自高誼一飯亦前因父  
老誠憐我英雄已笑人不須論寔報感愧是真情

葵青居詩

五

自悔蹉跎過頽然半百身十年書未讀一錯恨難伸酒  
醒空尋夢花殘不算春及時須努力過此枉艱辛

自勵還思補端居未許寬猶然存一息何以答三餐立  
志惟磨硯完名在蓋棺卽今閭巷士晚節保全難

自信成閒散樗材有一優張公書百忍衛玠豁千愁閉  
戶惟通燕隨波不狎鷗黃齋饒食料未敢慕珍羞

自遣還多興閒來意灑然揮毫時學隸得句偶成篇磨  
琢青田石箋疏白水泉竭來移棹去權作石湖仙

自憶經行處長安去去程曉霜游子服美酒小鬟箏坦  
坦遵鴻陸峩峩仰鳳城平生居僻陋到此氣縱橫

自解多堪解何勞戚戚爲吾生幾兩屐世事一杯棋鴻  
雪空留印狐冰漫見疑尊前且尋樂小酌菊花卮

消寒雜詠

漫空霜氣逼庭除袖手窗前嬾檢書籬落晚來風更緊  
明朝節信小寒初

借得晴光半捲簾硯池不耐朔風嚴臨窗纔寫黃庭帖  
一管霜毫已折尖

鬪酒喧呶早不勝清宵少飲已曹騰莫言量窄渾無辨  
風味當筵愛紹興

趁著三杯酒半醒睡鄉近自醉鄉迎重重蝶夢忙如織

葵青居詩

醒覺譙樓尙四更

七

五十年華未便衰且將肉食自嘲詼方冬何物能溫補  
日日羔羊入饌來

共說時添一線長檢將叢稿幾評量呼來午飯餐初罷  
鴉陣啞啞又夕陽

蕭齋景物鎮清幽冬冷無花也著愁借得南窗朝旭暖

瓷盆日曬水仙頭

冰寒奈爾石交何小印紅泥什襲多攜得張銅爐在手  
煖烘烘地幾摩抄

苦吟不覺月痕低憐我宵深凍似泥一兩暖鞋新踏地

先冬手製自山妻

盼到同雲興又孤昨宵雪未滿庭鋪燈邊羣季曾相約  
一葉明朝泛石湖

乙卯除夕

依舊風光夢一場偷閒未得敢看忙

趙凡夫除夕至頭山塘謂爲看忙

顛早付磨人墨口數誰羸隔歲糧亂疊春聯兒學字新  
開冬釀婦稱觴本來利市親懽喜次第筵前祝壽康

題宋銘之志沂

祖庭課讀圖

豈但分甘念舊恩一燈課讀記黃昏通才自昔由家學  
孝子從來有順孫眼底范喬遺硯泣胸中丁顛古書存

蔡青居詩

天

枝頭消息傳紅杏次第春風到藁門

戲效石湖居士六言四首

蠻觸何爲起覺熊魚不可得兼世事橫生枝節人心痛  
下鍼砭

未必往而不來莫教文過其質心腸三沐三薰冬夏一

裘一葛

一春醞釀何花萬事消除惟酒人語只將毋同世事多  
莫須有

鼻觀微聞胎息牙關牢閉舌根彼此讓開一路禍福認

清二門

消寒雜詠

地爐

正中位置自天然式似銅盤火滿燃密室風光人促坐  
大家氣象客開筵時來炙手矜光燄運轉灰心怨棄捐  
一樣名門留故物寒儒常得擁青氊

湯婆子

團團俏向被池迎熨貼宵寒好夢成奔走幾人憐僕僕  
溫柔似我得卿卿聚頭每愛心腸熱抵足真堪肺腑傾  
只恐春來易捐棄秋風紈扇共傷情

火硯

葵青居詩

硯池頓化墨痕膠頭腦冬烘漫獻嘲暫作火攻從下策  
且隨石錯結新交鑲金氣燄歸溫潤鑄鐵心腸耐炙炮  
勝似朝陽窗外照纔經解凍又輕拋

風兜

宛然絳幘效雞人巧樣彎環出手新每共登山隨杖履  
不辭行路冒風塵蒙頭轉覺鬚眉古相背難窺面目眞  
惜爾稱名乖典雅閨中偏有浩然巾

冰豆腐

屑豆熬成軟若絛重經洗鍊沃湯泉餐霞骨相清偏瘦  
翻水文章腐亦鮮爲抱冰心耐咀嚼別添風味勝肥羶

淮南舊製矜新得饒似東方也溜涎

冬菜

撥盡菘心與芥臺  
饗頭又爲御冬催  
英雄末路攜鋤去  
志士清齋人饌來  
雪裏春回香半冷  
酒邊人渴玉盈堆  
冰壺合作先生傳  
肉食朱門愧此材

徐節母詩

陸氏女徐家婦十九賦于歸二十所天故悲愴誓欲身  
殉夫舅姑堂前哭相呼吾家累世積忠厚未必天心絕  
根株汝今有身且忍死一綫之延盼遺孤況我二人日  
衰邁煢煢朝夕誰持扶婦跪而言敬聞命誕彌厥月果

蔡青居詩

三

生雛生雛鞠育幾經年阿翁棄養歸窮泉典衣質劍營  
喪葬戚黨同聲皆曰賢苦志彌堅貞精神暗凋敝守節  
廿三年卒時四十二柏舟誰作歌彤管未及記有子有  
子孝思長平居念母常悲傷隱身闔闔無達識流觀載  
記因激揚牀前遺訓忍追述得請遂以達

天閭晦之十年一朝顯歌詩作畫欣昭彰吁嗟乎古來  
苦節知多少寒衣敗絮飢朽蓼茅檐葑屋安得皆周咨  
阿母之節賢嗣能旌表

送陸稚松沉需次浙中

故園寂寞閉煙蘿一路郵程聽棹歌何處清陰堪道暑

吳興東去女桑多

淡羅衫色浣微塵畫舫曾來泛早春為問沙汀舊鷗鳥  
西湖長近署何人

喜君妙筆擅荆關近局招邀此又慳他日西泠秋色裏  
為儂先寫好湖山

徐青籐吉慶圖同覺上人

憂石何須奏九成鏗然一杵付孩嬰騷壇瓦釜雷鳴慣  
似寫當年舊主盟

幕府多才讓酒徒醉中筆墨未模糊殿前白鹿傳嘉頌  
合有人間吉慶圖

葵青居詩

徐稼甫立方徵君秋山菊隱圖

秋林深處閉柴荆花滿東籬酒滿甕大隱何妨在城市  
高官已早薄公卿幾人歲晚矜奇節昔日文場記盛名

同是師門感知已西州重過淚縱橫

謂家琢  
堂夫子

題畫

疑雲復疑火晶盤堆顚顚楊妃倘嗜茲卽是他家果

梅

花村曾買酒花盡實離離嘗徧枝頭果牧童知不知

杏

蠟兒挾金彈側身翳樹杪天末晚風生驚起投林鳥

杷  
名園百果滿此品吳中無日啖三百顆口福推大蘇  
荔

歸來

望裏蓬門近行行欲暮時在家常似客入室尚稱兒每  
惜燈檠短渾忘漏鼓遲歸來多笑語此樂信怡怡

題上虞徐辛穀象田詒穀圖

何處栖高隱名山有象田神明猶舊宅耕讀此家傳風  
土宜今日雲祇感昔年南明先澤在爲爾一流連  
予家先世

籍新昌爲君鄰邑

葵青居詩

三

一昔聞名久相逢不費招來看吳苑月同泛虎邱橈以  
我嗟頑鈍期君替琢彫披圖更欣喜眼底挹清標

定思近藁

鄉居書憤

憂極不知苦痛極不知創謂天柱蓋傾明明日有光謂  
我身已死的子在旁洪流一橫決無土能隄防浮雲  
忽已暝火燄燭崇岡晨寢未及展礮響盪繩牀平日讀  
書史椎心兵革傷劫運五百年躬親罹其殃東南財賦  
地蕩作荆棘場生民千萬億甯靜無一方國計而如此  
家計又焉望

阿母垂八十年高體猶健不言食不甘不言居不便但  
問幾時歸太平倘及見阿婦進膳罷背地起長歎此歎  
我亦知言之徒心亂樹靜雖無風備豫有深算六十遵  
歲制及今無絲寸將伯向誰呼親戚絕音問就中有諸  
女俯念尤心眷貧士度日艱奈此兩逃竄我已心力疲  
兒豈勝負販眼前將不給遑論支歲晏回首望鄉閭先  
壟更路斷老屋聞尙存采樵誰能扞一動百念隨一念  
一飲恨吁嗟勿復道且其享麤飯

出門欲有去去去又何營是時交仲夏四望彌青野  
老爲我言二麥已畢登桑麻日已長新秧益滋生兵塵

葵青居詩

三

倘不到定卜好收成我心淒以念願爾遂躬耕所恐波  
浪起山川猝沸騰雲霓苟失望雨露亦何情歡言轉滋  
戚別壟重行行微聞詬諍語爾等本居城胡爲亦來此  
向嘗鄙鄉氓途窮遭白眼口舌豈所爭急陣忽焉起白  
日又西傾歸去噤無語聒耳亂蛙鳴

林氏女聞余母妻具喪自相城挈一幼子一婢孥  
舟蹤迹至坊橋展予蓋未知子移家也越宿再至

口占嘉之

何處歸甯更有家掀天風浪一帆斜女流也有黃端木

刀戟叢中訪阿爺

乍見猶疑是夢時別來身世幾嗟咨阿翁病骨酸寒甚  
恰有羊裘一領持

辛酉八月始聞史氏之變距女沒時已踰載矣感  
而賦此并悼邵氏女

亂後家家感別離經年消息未曾知那堪傷逝牽懷日  
已是黃泉待母時

一夫一子并摧傷斲盡根苗更不長猶記同堂登四代

親朋齊泛碧霞觴

皆在鄉被虜女以傷心致疾越十數  
日卒一子旋殤翁亦沒於鄉史氏累

世單傳大翁年登七秩及見  
四代今惟孀姑稚女僅存

爲觸新愁更淚零召平夫婦並幽冥比他小妹同無命

葵青居詩

三

兒在還堪盼甯馨

阿母當年遺四女今朝一半似花菱世間說甚門楣重  
祇博衰翁哭女詩

歸葬

惻惻復惻惻我心中夜亟哀哀我阿孃隻棺翳叢棘黃  
茅蓋幾重白板未及漆獵獵刮地風烈烈薰天日嚴霜  
及愁霖多恐恣侵蝕寢興一念此旁皇驚忭惕纍纍諸  
眷屬下逮妻與姪權厝各經年棺薄尤難測曷爲久滯  
淹反葬苦無術喪算重以長道路梗且塞

道梗日以通且泛申江權慨言親戚家阿母有遺鈔古

人重備豫遭喪用是效一自經喪亂呼搶窮無告及茲  
識其居襍被乃徑造所親亦凋殘相見互相弔款我意  
良殷具貲一以報別有至戚友致賻重慰勞得之爲有  
財予心於焉悛

有財予心悛幹事乃益堅焉知風水說去去莫遷延明  
當駕小舟直到墓門前有弟爲我言此事尙慎旃雖非  
求利益妨害終未便君身不自惜化者要安眠今茲月  
在亥相去一月寬太歲應避位息心待大寒

大寒云已屆啟行從此始挈我子與姪攬我衣與被混  
混淞江潮暖暖坊橋里坊橋舊寄居經年曠展視撫棺

蔡青居詩

五

一長號淚珠落未已道路忽傳言捉船到處是大船匿  
深港小船停淺汜道險不可涉大事豈中止

中止安可得一舸走山塘假仁實罔利言有善舉堂但  
求我事濟深入莫敢違任重覺身輕兩舟慎載裝數里  
一要津因此索錢方道長日苦短暮宿投荒莊一餐甫  
下咽終夜心茫茫

茫茫欲何之前路石湖祠入門一慘戚老屋半傾欹幸  
茲粟主存行篋載之回亂流舟徑渡繫纜前溪隈連步  
上邱壠尙不失舊規引纏亟下窆抔土倏成堆以次逮  
親屬各各皆掩埋雖云葬者藏胡乃簡率爲時命一至

此泫然雙淚垂

一雨天亦愁拭淚淚復續同宗八九棺橫縱祠旁屋嚮  
爲人事阻欲葬幾退縮睠茲載具來塗泥交馳逐族葬  
無閒田各從其親屬十載委塵埃一朝安山麓歸舟心  
差慰卻念同胞叔生無力偕逃死復罹慘酷一棺隔重  
闌荒寺寄幽躅豺狼滿路衢百身苦莫贖何日正邱首  
一寫我心曲

對雪

對雪如對月歡戚隨人遇北風一何涼愁思若爲助河  
冰高且堅阻我山塘路山塘那可居白日鬼怪顧甫里  
葵青居詩

三

亦何樂幽潛如我錮去住理一齊遲歸了無忤所恐馬  
鬣封版築未堅固

感懷

記得高堂分歲筵兒孫環列祝遐年今宵飄泊知何處  
家祭曾無一拜虔

山塘除夕

咫尺山塘路今來萬里難況當除夕過竟作異鄉看兵  
燹留餘燼粉榆失舊觀一樽茅屋底此味最辛酸

壬戌元旦

劫灰也自轉青陽見說三吳第一鄉百世可知遵夏統

元年有紀冠春王分明快雪從人望依舊新晴卜歲穰  
只是難求乾淨土凌風願逐北鴻翔

人日虎邱偶眺

勝地全成瓦礫場晴光激灑轉蒼涼城春彌望榛蕪滿  
何處題詩寄草堂

貝澗蓀

信三

將往洞庭枉顧話別卽和見贈原韻

去歲清談曾有約相思相望白雲間喜君冒雪褰裳至  
正我登邱荷鍤還享客久虛樽酒設思親空憶綵衣斑  
不將私恨從頭訴只道傷時損舊顏

洞庭魚鳥鎮相親依舊還君物外身無計家園尋故土

葵青居詩

三

澗蓀自號桐橋漁隱別墅有亭池之勝

有緣筆墨付閒人新詩告別將消

夏舊雨重違忍討春已是途窮尙株守回頭應笑翳浮塵

六十述懷

千戈滿地逼殘年忍說巢傾尙瓦全四代圖書皆糞土  
一門骨肉半荒煙子身欲入無遮會故國眞成大漏天  
好是金閨歌舞地蠻風吹作陣雲連

淮張竊據又今時無路高翔困一枝我祖豈知王氏臘

何年重見漢官儀紅羊劫運終須盡烏鳥私情已恨遲

若使時和遂願養八旬壽母六旬兒

立馬關門曉霧開也曾揮手上燕臺中年絲竹尊前淚  
上國衣冠劫後灰幾輩營營緣底事諸公衮衮信多才  
草茅莫道無臣節我亦青衿食餼來

盛年慣作嫁衣裳顧到空機觸手僵營利欲同蠅計較  
安巢賸有燕商量三生未卜緣先斷五岳能游恨轉長  
新婦入門姑去遠祇從牖下奠羹湯

示子涑

陸生已罄舊裝金末路生涯在自尋但得常時念弓冶  
便如每事下砭鍼後歸應識勞吾望他日還期見汝心  
一束牀頭好收拾亂離書帙半消沈

葵青居詩

歸葬再紀

三

我心猶未夷解其憂者有阿宜我力不能就執其役者

有延壽

予每以胞叔未葬爲憂姪方珪亦亟就予謀葬其祖因遣兒子方涑同往遇有舊識得引入城

購柩一棺虎穴城西頭今朝馬鬣歸山邱哀哉同棺兩

烈婦并俾同穴表千秋

弟禮賢繼婦沈禮儉婦屠皆死烈同棺斂並購之出城買地葬

焉孫能葬祖憐其孝兄分弟勞差足報死生叔姪別經

年幾時酌酒墓門前

謁甫里先生祠

散誕江湖世界寬千秋魂魄故鄉安天隨自適生平志  
補闕何榮死後官思到菡鱸通至契聯成梅鶴與同歡

高風留得荒祠僻四望妖烽此尙完

八月三十夜

月光蝕盡團欒魄漏鼓敲殘破敗聲蟋蟀似憐人不寐  
牆根伴語到天明

將由甫里遷鵝湖余以有病獨留偶讀香山詩輒  
效其體

欲去將何去難留卻復留身閒無一事心窄有千愁  
薪水都成累兵戈況未休茫茫家國恨不但爲悲秋  
子婦移家去孤身此尙羈餘暄寒露後枯坐小樓時但  
說謀安樂徒教感別離賣魚橋畔路應有望雲思

蔡青居詩

美

世亂輕言別情深忍便拋行將去諸弟況又舍新交

謂楊

新長物稀疏檢殘書歷亂包但能安筆硯隨地可誅茅  
三遷仍未已猶記出門初母老身還健妻忙意自舒  
浮雲翻手變好夢轉頭虛此意憑誰訴孤燈欲燼餘

小樓

時養病壽門叔平兩弟別業

依人王粲合登樓卻病何須藥石投霜徑苔封如結  
夏晴窗風暖不知秋義皇高趣隨時領唐宋殘編任意抽  
有興看書無事睡幾忘蟻賊在郊陬

雜憶十絕

避地鄉居於茲三載撫今追昔不無繫戀偶爾

憶及輒系一詩

嗟來咄去究何因投老窮鄉多病身憶得吳宮花草豔  
笙歌隊裏太平人

沐猴不定滿街馳毛髮鬚髻絕可嗤憶得彼都人物盛  
衣冠文武自當時

劫灰飛過石湖祠破瓦頽垣忍見之憶得憑欄貪看月  
畫船不惜夜歸遲祠有白雲舊隱紅蓼白  
蒼村舍好湖山處諸勝

天涯麥飯客心懸保護松楸事渺然憶得橫塘雙槳去  
涼秋九月上墳天

弟兄星散各西東路入泉臺死更空憶得年年賀正旦  
葵青居詩

罕

全家團聚一堂中予家元旦賀歲長幼拜跪禮甚周  
至亂後五十餘口死者十之四  
羞將隻影對圓輝管甚中秋靜掩扉憶得樓頭同玩月  
夜涼為我起添衣

一文羞澀阮生囊錢癖生來有別腸憶得泉刀三百品  
紺青繡入土花香先君子及諸叔皆好蓄古泉予兄弟  
繼之吳郡藏皮之富孫氏百一山房

外子家  
稱最

涼宵燈火漸堪親檢點行裝一字貧憶得良朋快談外  
圖書四壁古為鄰寒家先世藏書於今四  
代書畫彝器亦具可觀

索書那更叩蓬門小印飛鴻雪裏痕憶得石交深密處

筆牀茶竈共晨昏予好蓄印石重以先君  
子舊藏不下數百品

平生玩物付浮塵此日真成物外身憶得匏尊好雕琢  
巢高士外更何人巢端明名鳴盛明季孝廉國變後杜  
之子亦喜是吏製爲珮環大小以善製匏日用器皿一以菴爲  
以百計勒銘刻畫各盡其致

重陽偶興簡楊薪圃引傳

黃花羞上老人頭眼底重陽又晚秋恰好詩豪投傑句  
薪圃過談話且將酒力束多愁風波已過驚初定甫里  
別并惠二律日來警信憂起是粥飯能來飽便休明月半窗人影寂  
日又掠數十家

越日用前韻

弈碁要待局終頭病骨支離尙耐秋喜拾殘書因遣睡

葵青居詩

偶吟小句只言愁世情嚼蠟淡堪厭家計搬薑忙未休

二十年前塵夢繫鴉湖舊地忍重游壬寅夷人之擾先  
慈嘗避地於此

鄰姬樂聞予吟詩其翁販鴉鴨爲業反前人句成

二絕

書生習氣未全移時有歌聲出短籬底事今宵燈滿炷

鄰家聞說愛哦詩

竹欄一抹傍湖濱月色空濛夜向晨不管吟魂清睡足

偏教鴉鴨鬧比鄰

喜晤毛一雲甥追感珍亭妹夫有作

亂離一爲別音問兩茫茫明知爾健在不見恆懸懸一

朝入門來握手雜悲歡憐爾幼失恃依父得安便爾父  
胡不壽爾身愈孤單栖息在何所巢覆能卵完頗聞論  
昏女遇難軀已捐丈夫生有室父母已終天絲蘿當更  
結願爲擇其賢賢婦固所願多承舅氏憐甥今急營葬  
遑問家室安反增兒女累世路方漫漫側身歷艱苦庶  
其保歲寒予聞首屢肯甥復起而前舅氏年且老甘旨  
乏烹鮮願少益嗜食謹奉錢三千勿爲阿甥念甥向支  
粥餽鑿此區區心令我感當年而父我鮑子相知在言  
先披誠靄靄雲濟困源源泉家事無鉅細一力以身肩  
重施無一報刻骨難銘鐫何期年少我先我喪窮泉慨

葵青居詩

聖

歎語移時日暮下榻焉更深各就寢我心耿不眠

瞥見

晴暉送暖每依依瞥見重雲凍不飛分付西風休作惡  
阿翁十月欠寒衣

喜遇貝无咎

青喬

津橋一別幾經春鬢髮依稀認故人老大無成同氣短  
亂離相遇倍情親行營我已傷無母負罪君方感鮮民  
无咎有負罪餘一盞黃墟聊話舊箇中滋味夢中身  
生死亦非之句

近藁經葉調生丈楊薪圃點定爲友人借去友不

睦於嫂見其吟誦不已以爲枕中秘也竊投諸火

友人慙謝追錄戲賦

借書自昔分相通下策何期用火攻豈為金貂欺季子  
反因螭蚌誤漁翁忌名差勝投之廁繕寫還堪寄以筒  
報與諸公應一笑眼前轅釜有遺風

十二月四日雨中聞警

帶水拖泥促早行裙釵此又受奇驚明知數在甯輕死  
爭奈時危其惜生累重當前皆翳障時與吳氏  
女同居途窮觸  
處是榛荆老夫自笑無長策獨坐空齋待事平

追輓貝靜安毓誠

一死足千古如君能幾人危時爭殉節大義在明倫城

葵青居詩

望

諸生多不屈者君獨赴府學繼死明倫堂此即成仁士誰為守土臣承平徒  
肉食急難早抽身蘇郡惟撫臣徐署臬臣朱死節當事諸紳士亦未有死者

弱歲同游泮浮沉四十年文章亦儕輩節義竟高賢析  
理胸先熟臨危志益堅他時哀逸史姓氏定先傳

除夕

一年歷盡總間關一夕愁情且暫刪但得生存終是福  
極無聊賴卻多閒險途敢信羊腸盡隔歲方營馬鬣還  
事在心頭難譬解忍言子婦其承顏

題无咎近藁

劫餘詩境苦一讀一沾襟徐庶為親屈謝公憐女深形

單少歡趣老至只悲吟不歷艱難況誰能諒爾心  
初至申江

困極不知計且向滬上游滬上誠樂土驕溢滋我憂儒  
冠不餓死執袴甯與儔所喜親朋輩流寓此焉鳩聞我  
翩然至相顧意綢繆至戚悅情話詩友恣討撻茗談一  
以暢重上酒家樓孤鳥飛冥冥藉得一枝投回視樊籠  
內飲啄庶無尤憶自遭喪亂忽忽經幾秋今茲重相聚  
頃刻腸千周此間樂莫樂我心愁更愁舉目河山異焉  
敢效楚囚戮力獎王室斯語誰其酬

敗筆

葵青居詩

如人毛髮漸疏疏一管霜毫半折餘幾度欲拋拋不忍  
亂離三載慣隨余

无咎應保定劉制軍之聘將由海道北上有詩留  
別次韻奉酬

昨歲相逢面如土屢訪庭闈迷處所執手漫作寬慰詞  
无咎之過竟難補今春黃浦同挂席忽忽又作乘槎客  
欲行不行重次且棘人心事我能白海天浩渺道路長  
慎勿回顧生悲涼收之桑榆會有日先期附鳳鳴朝陽  
越日无咎用前韻酬答見和諸同人余更賦此

憶昔承平在鄉土杯酒同銜問幾所神交瞥眼三十年

朋儻反從亂離補夜眠聯牀晝接席延訓宗英忝上客  
盛氣消磨一片瓊多君兩眼分青白別意尊前誰短長  
附書弟妹語淒涼旅魂十載猶記取飛夢隨君到保陽

呈葉調生丈卽題近藁

詩料重經掇拾來天將厄運鍊奇才人間何物科名重

海國於今壇坫推

江浙名宿羣集滬上開丈名皆來納交

文獻無徵留碩

果江山有恨感飛灰時清待奏昇平頌一變歌聲徵角

哀

昇平猶望觀餘年集中句也

旅舍高軒幾度過稀齡豈遂意蹉跎煙雲供養年來減

文字因緣客裏多猥誦新詞方愧甚

拙作蒙采入岑苔詩錄

重提

葵青居詩

舊話奈愁何兩姻契好嘗隨侍早歲光陰付逝波

哭壽門從弟

去年風日絢清秋猶記聯牀話小樓惜別竟成長別恨

一江春水淚同流

故園蕩盡等無家我更飄零似落花聞道彌留猶念我

暮年隻影莽天涯

立夏寓館獨酌

淡日晝陰陰空齋酒獨斟幾無容我地反有送春心薦

筍自前席落花非故林何時翦荆棘歸去小園尋

題家書後

書斷愁無奈書來卻又愁江湖長還落問爾幾時休

贈劉辰孫

禧延

故鄉蹤跡隔城闔客裏交情日益親別有酸醎非是癖  
兩無芥蒂不嫌真生涯同作重磨鐵宿學爭推老斲輪  
卷帙叢叢朱墨滿蕪詞也受剪裁新

雙烈哀詞

雙烈者予弟禮賢繼妻沈禮儉妻屠也二婦異  
宅居爲娣姒無一面宅後並鄰珠明寺廢圃庚  
申之變城旣陷穴牆置焉旣相見矢以同死無  
何賊至將牽屠去屠以死拒沈早寡聞嗣子被

葵青居詩

哭

擄至是並投池死沈故自爲觀寄寺廡倉卒間  
同棺殮焉時四月十四日也是冬弟禮運脫自  
賊中得其詳壬戌夏購其櫬出城買地以葬請  
旌如例作歌述之

娣姒同棺世所無娣姒一節眾所孚我家有是敢不大  
聲而疾呼一解婦曰沈夫早隕夫無子死固審子以姪  
且復忍買地葬夫分亦盡二解屠性好潔嘉耦一轍同

氣方蘭和光並雪

三解

天何爲而櫬槍人何爲而鯢鯨

何五百年之劫運不辰逮於我生何楚氛之甚惡數千  
里蔓延而殃及於吳城恨奮飛之無翼適並顯其堅貞

四解妾身拌一死妾心猶未了沈曰我子屠曰我夫存  
亡兩兩其未曉排牆投寺圃潛身翳叢篠飢來掬水飲  
知此有池沼五解方旁皇其有待兮倏飛語之傳聞聞

驅若之愛子兮聞係若之夫君猛呼搶其欲絕兮賊之  
至者紛紛六解屠之性彌潔屠之志尤烈賊前牽衣衣

可牽身不可失許以不死死轉疾有女在抱擲階側躍  
身池中完其節賊心銜之抵以竹竿更亂流而摧折七

解屠方沒池西沈復沈池東有子不克保夫後將終窮  
異日妾身更誰從妾之心波瀾誓不起有如此水與之  
爲始終八解賊棄而去乃出之池一刹那間闖然兩屍

葵青居詩

望

穆姜之櫬由自作乾昔之棺如大爲並以殮之一節同  
歸九解吁嗟平生未謀面娣姒亦何有臨難一以死相  
守同穴之約格於義而負安以新阡應樂受大節當

旌我以首表於其阡待有後作此歌以告哀世世子孫  
視是兩烈婦

宮怨

無分昭陽殿裏游長門深鎖幾經秋盛顏不省修眉樣

寥落行宮況白頭

芳春久斷綺羅香薄命紅顏黯自傷不道殿頭新女伴

還將鴛錦乞裁量

懷陸稚松沅時將需次浙中

時艱只合入山深抗作塵容豈素心出處自來憐小草  
東西此去感飛禽離情欲共琴絃語鄉夢還憑畫稿尋  
子每夢至家園見母妻  
俱在欲乞作紀夢圖聞說秋期行尚遠蓬門望爾駕  
常臨

題墨牡丹

衝破東風耐曉寒露痕攪入墨痕乾莫言國色多情甚  
要作人間鐵面看

七悼

言有管城子中書書是中當其疾揮時憑之為操縱功

葵青居詩

成爾以名力盡我無用退筆

騏驥遇伯樂一日馳千里馬齒日已長所戀棧豆耳多  
謝遠游人猶以識途視老馬

古硯端溪產一跌成懊惱雖云質性良既破不完好奇  
語懷材者守身以為寶斷硯

高山復流水識曲知其心未聞古所傳伯牙有名琴破  
碎何足惜惜無真賞音碎琴

一劍三十年佩帶常在身咄哉化龍去誰是肝膽親求  
之不可得獨立延平津故劍

凡材必有用生乃作車輪東西無停轍壞敗摧為薪榮

枯同歸盡坎壤終其身勞薪

鎮日錮樊籠毛羽困不振左庖而右厠百垢無一淨仙

禽本孤高不病亦善病病鶴

無蚊

夏清房櫳夜易過空庭卻坐幾婆娑始知徑草叢叢裏  
最是么膺聚處多

七憫

團扇當秋風興歌寫哀思萬物蕩劫塵貴賤無異致始  
知篋笥中猶是未終棄棄扇

旅人羣號咷爰止誰家屋屋窄不能容荒荒集古木巢

葵青居詩

兪

覆卵僅完閔斯猶勤育覆巢

凡物具靈性爾胡以拙名既乏竊脂術遑論反舌聲飢

來不得食呼婦空哀鳴拙鳩

天際鴻冥冥一行一匹儔雄者遭罹網雌者于何投哀

哀中夜鳴誰與稻梁謀孤雁

明鏡藏寶匣百結同心縷一破不復圓雖圓奚足數入

市日購求樂昌恨難補破鏡

弱質弄嬌姿窈窕無其偶臨風慣送迎攀折落誰手可

憐章臺旁半是漢宮柳敗柳

爾性一何貪爾狀一何癡以癡濟其貪營營無已時早

晚西風起凍死知不知

癡蠅

題畫

宋人詞意圖序伯爲子女夫林少初作少初久  
沒序伯亦前卒近林氏以贈其妹夫陳壽篔二  
人皆程門畫弟子也十如老人有跋敘其始末  
予亦感賦得五絕

莫言圖畫是雲煙歷劫居然幸瓦全展卷更宜袍笏賀  
禮羅喜得主人賢

詞人妙句文人畫猶記鄉園把玩時別有傷心今再見  
松圓禿盡鶴歸遲

葵青居詩

辛

舊時玉潤飲香名碎我冰心愧獨清多謝十如闡幽意  
寄懷煙墨見平生

風光轉瞬又秋陰夢裏家山畫裏尋可惜林亭蘿月上  
興來空響阮瞻琴

壽篔未及見少初

後先立雪認門風沉澗原來一氣通我比倉舒無片紙  
重吟醉墨感坡翁

序伯論子畫十數種亂後皆失之

喜涑兒至滬

六月棲棲心膽寒一山迢遞千山看家家來此鶻出籠  
而我眷屬刀劍端空庭無樹赤雲熾一葉墮前爾忽至  
十句積憂一晌消不須秉燭如夢寐

得甫里楊薪圃書卻寄

盛名衆著易傳訛似爾清才世豈多應許吳中追北郭  
漫驚海外喪東坡來書猥辱加餐勸問字還期載酒過  
大將旌旗正西向知君準備作饒歌

安巢重占最高枝風雨猶懷欲覆時神與扶持憑賊斫  
薪圃有賊斫  
不死小印  
人能散誕卽天隨三生有恨同搖落半載  
無多惜別離只隔吳淞衣帶水芙蓉何處寄相思

感方珪姪之亡有作

汝年未弱冠能知葬其祖葬祖甫暮年汝身亦黃土憶  
汝在家時自幼失恃怙隻身多疾病重闈意辛苦遭亂

葵青居詩

五

不能逃外家爲作所癸焉一脈傳彼蒼竟不祐有人前  
致詞謂天甚可疑昭昭旣古昔夢夢豈今茲若者當殄  
戮若者當扶持何不別善惡而乃顛倒爲我謂惟顛倒  
所以號亂時果其彰瘴明一一無錯差反幸開大劫因  
亂而一治惟天不可恃報應非所知惟人不可僞職分  
毋或虧盜跖已考終伯道卒無兒放眼看千載成例本  
如斯不然汝而天曷解我心悲

讀調生先生岑苔詩錄題後

照來明鏡不知疲想見吟窗選取時七十老人無別事  
出門訪友入鈔詩

慣作津梁老不疲寒家父子廁名時祖庭彌自增懷想

清素堂中九卷詩

先祖刻稿亂後曾見之  
錫山華氏擬往抄錄

夜聞豐樂園演劇

夢裏如聞仙樂聲人間好事月三更登場定唱無愁曲  
避地疑來不夜城白骨霜寒莽颯穴紅燈風煖沸鸞笙  
那知墨子回車意祇爲朝歌疾此名

四素場

滬城北門外皆屬夷場今春與无咎同臨茲土  
河山旣異風景更殊觸斯新愁有懷古訓无咎  
謂可名以四素場噫喪亂以來失其素者多矣

葵青居詩

五

爰作此自警

少歲讀中庸疑義有未申富貴與貧賤對待故並陳何  
爲有患難彼蒼豈不仁何爲有夷狄反舍中國民四義  
森然列毋乃語不倫暮年來海上斯言良有因林林億  
萬輩一一現在身如彼恆河沙不出六道輪謨訓數千  
載徵信在茲辰富貴非吾分夷狄非吾親惟貧賤患難  
守舊而得新我行我之素怨尤庶其泯否者願乎外豈  
曰讀書人

秦稚梅以先德淮海有睡足竇益以小字更名其

居繪圖以索題

一卧也存追遠思梅花紙帳幾棲遲  
蒙頭腹藁知先屬  
睡起還鈔述祖詩

警枕方傳大將營  
幽人高卧自柴荆  
叩關偏欲呼君起  
拭目同看洗甲兵

八月初十日夜坐月

庭窄不容月開窗  
偶見之憐余久飄泊  
似爾亦分離  
今夕重相對何人慰  
所思從來盈則蝕  
惜此未圓時

秋日雜興

放懷歌哭兩無端  
已自牢愁又自寬  
慣使熱腸輸菊淡  
因羞冷面耐梅酸  
江山有恨催年老  
天地何心戒歲寒

葵青居詩

五

差解苑枯消息理  
頭顱落得一儒冠

草間活計葛藤牽  
痛定還思負痛年  
百代宗祊危若髮  
半生服物蕩如烟  
兜羅世界千重障  
磨墨光陰一握天  
游到海門空濶處  
會看雷雨奮淵泉

一色旌旗出海陬  
臨淮威畧果無儔  
合兵舊部徵回紇  
縛賊前軍向蔡州  
騎虎自來戒中下  
磬鴻幾處怨長流  
倒縣困苦崇朝解  
天語煌煌望早酬

居似長安究不同  
最難文字姓名通  
市兒出勝鮮卑語  
海客居奇舳舻風  
百族聲情三爵後  
萬家煙火一枰中  
米珠薪桂何由辦  
齋菜酸寒只浦東

步履隨風偶出游眼中華屋本山邱凋殘舊雨尋今雨  
費盡人謀假鬼謀墳墓早應說思蜀樓臺可是識還劉  
拾遺記吳王起環榴臺有諫者云今吳蜀爭雄還劉之名將爲妖矣海濱寸寸皆王土何  
日金甌一例收

烏衣門巷舊知名此日星霜燕亦驚六國賂秦兒女累  
三家分晉弟兄情衰齡免死庸非福貧士謀生總不成  
說與汝曹應警覺窮途骨格要高撐

窮鄉兀自煽餘威儘有遺黎失所依如我池魚方脫釣  
幾人海鳥亦忘機閒中歲月仍多難夢裏家園也算歸  
只恨不留慈母線拋殘織素更無衣

葵青居詩

黃

三烈哀詞

阿母孔氏六十一有女過笄未有匹一女適張夫短折  
孤苦仍依阿母膝庚申之變當四月城外火起不肯滅  
阿翁依人作生活年老步艱復多疾城門一閉音問絕  
家無男子計安出延至十日果見賊持刀而來括財物  
母女相顧無顏色計惟一死完貞潔庭前有井水清冽  
從容先驅二女入阿母奮身倍勇決一霎時間三命畢  
是時族中皆蕩析阿翁鄉居亦病卒誰向兵塵訪消息  
大節幾隨草埋沒今夏有人爲予述晦之三載始昭雪  
其人載衣素熟習當時設肆其門側身親見之無錯忒

且言四月十三日族屬流離正難詰聞彼之言悉顛末  
既詫還幸終悲惻逝欲入城收遺骨叢叢猶是虎狼窟  
烏能穿井憑發掘節屬請旌我之職與同曾祖我母姪  
鄉曾作歌表雙烈今茲者三更慘戚世亂闐闐不忍說  
嗚呼我宗多奇節

有懷清嘉坊故宅

釣游那忍忘從前老屋同居六世延遭亂自傷剛四月  
于今不見已三年但餘皋伯庶堪賃聞說康成宅尙全  
何日城狐都掃盡修予牆屋賦言旋

奉呈葉調生丈用少陵呈韋左丞韻

蔡青居詩

五

人生無臭味落寞終其身幸託忘年契豈在戚朱陳翳  
昔處鄉里常忝座上賓談今示之掌論古會以神每當  
得意處恨不朝夕親輞川時招迪元九願卜鄰所惜城  
闔隔一水上下津昊天胡鞠凶薄俗太不醅遂使妖氛  
煽吳地盡沉淪蹤跡一契闊會面在今春勞公早枉駕  
迨予未洗塵松姿古彌健桂性老愈辛三載歎躄屈相  
對氣一伸引我恣流覽如魚縱游鱗快談忘禮數情至  
惟率真偶爾呈小句刪削手墨新閱予學謫陋餘糧時  
餽貧三日不得見舉足逆相跋關心到肥瘠詎比越與  
秦補前之不足乃在申江濱申江雖云樂不願作波臣

願與故淵去忘機擾且馱

題楊實甫濯足圖

那堪濁世與沉浮赤足平臨萬里流安步踏來乾淨土  
從今結襪事清游

盼到江流澈底清知君定自解塵纓何人便挽滄浪水  
先爲東南洗甲兵

喜聞官軍克復蘇州以青春作伴好還鄉爲韻得

詩七首

窮陰返寒谷春回草不青狐鼠踞城社奄忽三載經嗟  
哉鼃塞外到處成羶腥自顧已老醜恐作化鶴丁

蔡青居詩

五

王師誠時雨一怒走雷霆杲杲紅日出魑魅無潛形始  
知建國計价人維藩屏

蘇州大藩地繁庶世無倫賤子本吳產搵泪請具陳  
鞞鞞閭門道濟濟虎阜濱鬱鬱園林屋皎皎綺羅人當其  
全盛日歡樂秋復春驕淫之所積劫至盡成塵磨折亦  
云久否極庶自新天心倘悔禍隻手起沈淪

東南無堅壁海隅猶完郭古有一成旅崛起土重拓昔  
沒賊中時日夕冀振作誰知雲霓望此意竟蕭索擁兵  
不知戰民命殊隔膜有急叩花門其餘無謀畧讜言更  
忘聞圖畫最心樂專闔而如斯何日求民莫

今春得聞道始結申江伴其時政一改帷幄裕成算那  
容寇環疆先闢北門管誰兼文武材新尹實忠款先驅  
程將軍智勇世亦罕弁崑奪兩山咽喉斬之斷舟師篙  
楫長步師槍榦短轉戰逼城濠賊命危累卵撫軍自臨  
陣士卒倍勇悍兵氣遏行雲北風爲之煖

捷書夜報來平江已直擣捷書晝報來風箴盡迅掃三  
載鬱沈霾一朝歸完好行人得聞之歡呼聲載道居人  
得聞之衣裳爲顛倒羸者病以蘇斑白忘其老況我故  
土人歌功眞再造

喜極轉生戚掩袂汨漚漚記我避亂始堂上猶慈顏山  
葵青居詩

五

妻同侍側亦復意閑閑旁逮叔姪輩眷屬各一班死者  
不可作零落乃生還口數五十餘大半辭人寔悲傷勿  
復道忍唱念家山

勸君且莫悲勸君且莫傷先人敝廬在毀壞猶屋梁糞  
除更修葺明年定還鄉視彼灰燼者幸得反故常況聞  
寬大詔減賦多贏糧當求田數畝吾生終徜徉此間雖  
云樂舉國何若狂臨別贈一言願各記勿忘驕淫天心  
忌毋再召禍殃

冬至前一夜

一歲經三徙先靈克鑒不果隨身到處來享祭時羞病

體況牽制浮蹤更逗留終年虛拜奠子道又焉求  
昔時交亞歲御食列長筵骨肉摧歡會千戈促大年從  
今歸有日終古恨難填如煞老萊子稀齡猶膝前

追悼貝无咎劉辰孫

禧延

天公何事好猜嫌慧業同時歎聚殲亂世文章餘涕淚  
暮年心計困齋鹽官河忍使游魂滯无咎没于清河縣  
油坊尚未歸觀  
鬼計誰爲貞疾占辰孫爲誤  
醫藥致死幸有故人輯遺藁茂陵留  
待發幽潛謂葉調  
生先生

書室分咏賦得燈檠字規

一樣燈光照眼前華筵散後渺如煙短檠耐比長檠久  
葵青居詩

五

伴我寒宵五十年

下筆全憑鎮壓功名應在賦形中如何規矩人人曉  
忽地方圓可變通

懷方洛姪蘇州

爾本同根者飄零太不堪在家猶旅客失侶故孤男禦  
侮粗能了思艱究未諳歲終合歸祭我有小茅庵

有感

載塗荆棘觸芒鞋入室還聞百事乖誰委遺骸脫窮袴  
尙攙巨礮卧當階翻新亂繫今時壁博古空顏舊日齋  
太息先人親手植後庭玉樹已長埋

闕無人處逞強梁不定弧弦是寇張故址已空江令宅  
鄙懷多愧柳家郎竟將俘馘爲臣僕誰爲干戈弔國殤  
昔日驕盈今詩暴鄉風忍復說吳閭

重有感

幾曾五利失和戎折矢營前約誓同葉護原知當下拜  
德昭況請早論功鯨鯢加戮刑何濫鬼蜮貪財詅亦工  
殺賊那堪殺降比區區小信外夷風

北門管籥重防邊互市駸駸內地連淮蔡幸除元濟患  
伊川忍見陸渾遷中原有土甯堪賈卧榻何人竟共眠  
差喜疆臣申舊約不教上國染腥羶

葵青居詩

堯

感黑鬚有作

自我經喪亂髭鬚頓變色今冬藥補之白者漸反黑黑  
白無定形髮膚從何得哀哀白頭親一去斷消息

不解

夢裏曹騰屢見尋堂堂白日幾沉吟此心不解緣何事  
三載含愁直到今

蹉跎

好夢飛來總不圓夜窗兀自擁寒氈興酣鬧酒無前狀  
性愛吟詩已暮年事有大難衣食計談何容易姓名傳  
埋頭誰是書曾讀少壯蹉跎劇可憐

重晤孫則莊周次見贈韻題其大瓠堂詩錄卽送  
故鄉戎幕之行

行藏相得互相憐誰引交情石共堅舊友傷心已隔世  
去冬從无他鄉握手又殘年虛懷縹緲雲橫嶺好句空  
咎識則莊靈月印川此去從軍詩早寄吳淞莫滯往來船

書途中所見

路旁遇一人一步復一踏下體袴尙完上體身全赤兩  
臂拳胸旁寒齒鬪格格西風捲之行側身投市宅索我  
舊棉襖悄語如相識問獲幾許錢今日才二百著衣重  
出門健步恣酒食乃知化人城取道裸身國

蔡青居詩

卒

十二月十九夜夢先君手寫天竹柿子命題成二  
句苦不能續先君視之一笑醒後足之

天竹垂垂卓一枝輪囷柿子半紅時分明俾爾兕觥祝  
涕淚椿庭恨已遲

歸去

一葉乘潮去申江落日斜帆迴知近港村小自成家入  
室盤飧具挑燈笑語譁時艱歡會少記已一年賒

村居

終歲牽塵網幽居別有天溪流隨岸折帆影傍門懸鄰  
圃時鋤蕪村農盡業棉是鄉風景好小住亦前緣

一水環三面水清心亦清送雲隨鳥沒候月共潮生自  
覺鄉居樂渾忘歲序更劬書餘習在茅屋有吟聲

除夕

三年伏處歎沉淪今夕鬚眉氣始伸晚歲欣逢

中興主明朝準作上元人毫枯祭乏詩千首戶小斟餘  
酒一巡怪道柏枝香愈烈桃符影裏已交春

獨幸草

甲子元旦

提筆重將歲紀論天心人意共春溫劈開絕路逢生路

殿到中元轉上元

余生之歲爲嘉慶癸亥

善頌不須進椒酒幽居

葵青居詩

空

儘可傲桃源新詩題就渾無事倚杖柴門聽鵲喧

田園雜興

莫道村莊太俗情也知講禮拜柴荆偶來三五衣冠客  
不住門前犬吠聲

鑼鼓喧闐繞陌頭家家兒女縱嬉游似沿故事燒田燭  
云祝今年大有秋

子婦終年齧菜根阿翁歸去自雞豚恰因釐白安牆角  
嬉笑前來有外孫

老屋城西說尚存一枝且寄浦東村卻看鞭影招搖處  
日夕牛歸自識門

偶出尋春步水隈前村漸放幾枝梅忽逢半畝叢叢竹  
惜不乘涼夏日來

潛消兵氣卜年登入市何愁米價增歸去兒童齊踴躍  
甘錢買得狀元燈

故園

指日遷喬有早鶯羈人頓起故園情百金買宅縱無藉  
三月聚糧應早營病骨幾時增矍鑠詩心此後入和平  
何當倚棹春風裏一曲吳趨句載賡

和貝柳郊新春寫懷韻

風光又展一年新整頓圖書四座春可教重來呼孺子  
葵靑居詩

空

得歸知免作流民最憐飢鳥爬殘雪行見鳴鳶蕩劫塵  
未易昇平能再覩與君共保歲寒身

編次舊彙拈此自嘲

本來業此欠精勤漫把妍媸去取分客亦知夫歌古調  
臣之壯也習時文名心不死終爲累詩卷長留未易云  
何事一編常在手如今身外總浮雲

買得黃飲魚夫婦舊印感賦

舊是圖書記墨緣閨中風韻最翩翩而今劫火重經後  
雙璧依然伉儷聯

夫人李定之慧生爲子仙先生女善畫

石交曾與故人投賸有鴻泥爪迹留腸斷高風瓢飲歇

茂陵遺豪向誰求

飲魚有瓢  
飲居詩稿

懷毛一雲甥淮上

纔經相見便離羣千里書來反怕聞淮水春生迷別浦  
江天日暮斷歸雲病餘衰態應憐我亂後孤蹤最憶君  
何事征途行不得梓鄉近已息兵氛

觀燈

軼蕩千門處處通紅燈照徹路西東何緣夜市爭裝點

暗裏如酬保障功

滬城城隍神誕辰三月二十八日市  
門例張燈三夜東西數百家亂後久

輟今歲  
重舉

阿翁鬧市嬾逢迎也向街前逐隊行不道連年烽火後

葵青居詩

奎

風光彷彿觀昇平

萬家繒綵挂晶毬曾記閭門縱夜游眼底忽增心底感

嬉春何日是蘇州

送春日得新圃甫里書兼示近作酬贈

空齋寂靜掩蒼苔誰共看花酌酒杯孤客興隨春雨盡  
故人書逐暮潮來怕言舊夢如雲散喜見新詩似錦裁  
我亦吟髭常熬斷幾時翦燭與敲推

讀韋左司集有感

沖淡中餘愷惻情詩人出守著賢聲何緣唐代書遺傳  
幾見蘇州郡作名財賦素強豈料斂流亡已愧況刀兵

絕憐虎阜新祠闢一例荒煙蕩盡平

喜聞官軍克復常州

窮寇何愁徧境邊前軍轉戰竟摧堅石頭圍急千營合  
鐵甕城高一氣連北上重開馳驛路南來應見渡江船  
故鄉歸去今安枕可有當年萬竈煙

題扇頭桂花野菊秋海棠

登仙無分桂宮游又異陶家隱逸儔偏是叢叢斷腸草  
撩人心緒又涼秋

吳菡青

恩熙

以五古四十韻見贈酬以律句卽題

其近作

葵青居詩

空

富貴無緣早致身一編難裏最相親通才自古皆詩客  
名父原來是善人劫外風光都夢幻眼前歌哭總天真  
慚予老醜稱同調過譽還云品學純

洞庭朱子鶴以姬人死事狀乞題卽書其和漱玉

詞後

巾幗能將大節完拚教弱質冒刀端和成漱玉身完璧  
愧煞當年李易安

指點樓頭橐尙存依然萬竹護重門累他夫婿增惆悵  
縹緲峰前縹緲魂

歸舟

竟有還鄉日揚帆喜氣盈田園迎舊主兵火話來程殘  
壘指猶在故山看漸明無多家具載一葉覺舟輕  
獨有傷心處臨歧結不開江湖平復起泉路去難回望  
遠孤雲盡鳴空斷雁哀旅魂何處所今夕夢中來

到家

望望婁關近盤紆路幾巡重經乾淨土久作亂離人井  
邑平於壙軒窗蕩若塵糞除廂半壁草草且安身  
誰滋他族逼吾反畏吾廬燕壘拋荒後蜂房錯處餘有  
懷惟慨歎無力與修除漫說菟裘築桑榆暮景舒

省墓

葵青居詩

奎

憶自去墳墓幾疑無子孫竟成不毛地尚有未歸魂周  
視情何限回思淚欲吞荒祠石湖畔一例沒苔痕  
舊是家居日宗親氣誼聯百年同浩劫一別半窮泉土  
卽無田祭鬼應求食憐還當收骨去封樹安長眠

偶步

名園斫盡後凋松窮巷荆榛處處封側足陡驚橋欲折  
轉頭時與塔相逢暖空雲暝渾疑暮捲地風高不爲冬  
若箇繁華猶在眼紅燈飲興酒樓濃

冬窗雜感

不與月爲緣更無梅作伴夜坐已無聊一燈況孤館

心花開落盡生意歎婆娑只有相思樹年年不改柯  
瓊瑤原貴品寶氣現遙山瓦礫成何用石頑無此頑  
詩書原可讀燈火好相親雛鳳誰家子聲聲在隔鄰  
我懷萬石君孝謹一門重倘非子孫賢不食又何用  
不作稻粱謀不成天際字冬至慮冰霜戲鴻祗自戲  
食盡神仙字不作神仙去回看附驥蠅蟬魚無乃誤  
靈光殿已圯陋室德何馨我讀眉山記傷心族譜亭

和貝柳郊乙丑元旦韻

聲聲爆竹攬高眠知是城鄉各一天珍重衣冠拱歲首  
艱難柴米備殘年客來未免增茶竈子長還須祝硯田

葵青居詩

空

我亦成翁獨惆悵諸孫羅列讓君先

題扇頭畫

閒雲飛盡暮禽還一碧平蕪杳靄間何事高原常獨立  
隔江貪看六朝山

管谷香

蘭滋

歸自餘東卜居近里屬以近藁見示

率酬二絕

急劫催成變徵聲如君詞旨總和平詩壇好似符離戰  
鍊得魏公心學成

磨鐵生涯舊等倫而今近局快相親百花西里翱翔去  
勝隔長橋上下津

讀谷香詩有感摘句作倒捲珠簾體

老去猶非自在身  
感人詩句最情真  
青瑣我亦窮酸客  
枯坐寒窗四十春

偶思風日步芳辰  
老去猶非自在身  
亦有園林未消歇  
鶯花斷盡不知春

豈但錢財歷苦辛  
齋居也自費精神  
踢翻醋甕磨穿硯  
老去猶非自在身

自題畫冊

頑青鈍碧故無情  
融入愁腸善寫生  
讀向秋燈人影寂  
蟲聲唧唧伴殘更

葵青居詩

空

一腔心事畫圖知  
寄與同人好索詩  
未得無情懷舊雨  
墓門宿草已多時

余舊時畫冊同叔丈序伯飲魚  
研孫輒有題句今皆物故久矣

輓顧軼材

世驗

皇靈無私庇塵劫  
有餘灰嗟哉我顧子  
中道忽摧頽記  
我初識君乃在曲江隈  
人品故醅茂文字更偉奇  
十載聞名久一朝接容儀  
眾中益皎皎齷齪實所嗤  
談論無深夜忘卻離鄉懷  
如書味不厭如酒彌清醅  
始悔里閭中落落識君遲  
爾來一濶別故土重攀追  
蹤迹問何若不卽亦不離  
卽時無多語別後則相思  
相思日以長世事多差池  
寇氛何烈烈鬼怪何講誥  
逃威各奔竄兩雨

不相知聞說天隨宅眷屬此暫羈及我移家到一舸又  
他之卻後在滬上相見重相持君悲失喬蔭我痛折萱  
枝哭罷敘離別艱苦拙言詞威弧一以振還鄉皆有期  
清嘉與百花咫尺路不歧暇輒就君館談論無還時方  
謂歲月長何意遽紛披良辰不再覲長夜閱泉臺俯念  
舊時交大半歸塵埃新知二三子與君皆岑苔瘦羊及  
漁隱各各負奇才相見不復懼把臂但銜哀松交重凋  
折君六世祖松交先生諱子秀野盡草萊俠君先生君五世祖也  
如子而不壽誰能天理推豈爲從游眾屢照明鏡疲君  
年少於我學殖可大恢一夕歸山邱我老復奚爲吁嗟  
蔡青居詩

突

勿復道且作哭君詩

自題定思排律兼酬管谷香雷甘杞汝潘磨生鍾

瑞和作

回身思痛痛何如弄墨虛窗落日餘大劫幾經化猿鶴  
閒情那比寫禽魚五言八韻成何體萬苦千辛詎足書  
怪道詩翁資一噓文人習氣未全除排律摘前人難中句爲之調生先生

警爲不  
合體裁

自將游戲寫悲傷唱和連篇豈敢望多謝瓊瑤俱我報  
轉慚糠粃向人揚湖山意氣愁邊盡文字因緣亂後償  
一輩餘年須愛惜桑榆晚景好排場

借姚子鳳生孟起訪得陸硯北先生柩感賦

感極翻成喜荒郊舉耜初叢棺遍黃土兩字見金書已

分歸塵海何期寄莽墟今朝我輩到冥鑒定何如

冊載追從久多公折輩行公於余為姑丈人行心知真固結戚誼

反尋常豈可人無品方知字亦香柩被賊中叢葬鄉人知為寫大字先生因

誌其生徒遺澤在待卜葬高岡擬向及門集資歸葬先塋鳳生實主其事

歲暮雜感

貧士生涯下士流劫灰飛盡此身留殘年風雪愁為伴

壯歲功名命與仇不值一錢何足算偶懷半刺向誰投

掉頭誓戢蓬門影只恐飢來似野鷗

葵青居詩

充

任是癡聾也怒噴家翁但少詈申申此時飢鳥爭來食

在昔妖狐善媚人毀室毒先施孺子纓冠誤又及鄉鄰

十年曾向高枝挂變相還留未了因

芹水吹來陣陣香偶歡樂處亦悲涼猛能升木庸為健

鼠慣搬薑枉自忙不信煙霞成痼癖大都遊戲當文章

一庭若使皆瓊樹眾手樓臺未可量

何處橫塘問妾家垂楊禿盡日西斜誰教蠻觸爭蝸角

從此華夷錯犬牙老鶴庭前空徙倚亂鴉檐際雜喧譁

金吾放夜尋常事不管閒門付落花

去冬欲營葬百事多勾留及今不遑務我老益滋憂  
勉事茲役風雪蕩一舟大棺與小榘四出紛追求分派  
自高祖初本骨肉儔生時同休戚死忍付沈浮雖非封  
之崇取足正首邱族屬例祭掃狐搢庶無尤所傷無子  
嗣墓下親奠酬誓欲爲似續丁單莫可籌興言一念此  
歸路愁復愁

和磨生除夕同谷香過訪原韻

看忙忙未了

趙凡夫以除夕至山塘謂爲看忙

至二客獨蕭閒我輩交如

水誰家債若山片時雲易散生性石同頑直欲呼之起  
詩心爲破慳

葵青居詩

過幕園弔董幼琴世惟

堂堂白日巷無人一道街衢盡棘榛略有門牆尋舊徑  
絕無庭院貯殘春石橋斷處池猶綠粉壁頽邊草又新  
便道廢興歸大數未應遺骨盡浮塵

阜茭垂垂蔭滿庭與君曾此采芳馨國殤甯料逮耆艾  
地主何從覓影形華屋雖存已堪慟草堂盡覆更無靈  
焚黃他日兒歸後賸有衣冠勒墓銘

送窮圖

韓子有文號送窮窮鬼有五不數兩手之空空今之送  
窮乃逐貧古有是賦出之漢揚雄貧旣逐兮財運通錢

萬縉粟千鍾輕裘肥馬公然富家翁妻孥一室樂融融  
頭銜未璀璨更想膺榮封人生欲念何時充吁嗟乎世  
間安有驅賤說與此文賦屹然峙三峰

郊行

羅鞋斷盡踏青蹤飢鳥驚人草際衝穴土漸深空若谷  
危牆欲覆側如峰已無酒市三杯享井乏茶亭一盞供  
曾記河塘春水暖畫船簫鼓往來逢

街頭謀食諸名色每持一器以聲之擇其雅馴可  
入歌謠者各系一詩凡八首

引孩兒

賣饅者所擊小鐮

葵青居詩

主

庭階箇箇樂含飴放學歸來逐隊嬉底事紅鞋快奔去  
門前爲有引孩兒

喚嬌娘

賣圍中雜物持以搖者

綠窗檢點女兒箱絲線斷絨鍼斷鋸鏗繡罷鴛鴦方卻坐  
慢聲遠遠喚嬌娘

催飢

狀似小木柳賣點心者所擊

亂如寒柝中宵擊靜似木魚朝課時纔是午牌人飽飯  
一肩熟食又催飢

廚房曉

似銅鈺而薄且小賣麻油者所擊

提壺小滴清香繞蔬茶盤中未應少肉食朱門正擊肥

人來曾否廚房曉

虎撐

外圓中空筓鐵為之相傳孫真人遺製以撐虎口探手於喉出刺骨者

一幅白帘標姓名一團圓相搖且行活人那有好身手  
毒口偏能為虎撐

報君知

狀若廚房曉盲者敲之為算命

未能彈唱作盲詞比是三絃手自持聞說君家要推命  
聲聲先與報君知

驚閨

磨鏡磨剪刀者鑿銅片四五裏以作聲

豈緣明鏡影全迷豈為剪刀慵取攜夫婿將歸衣未辦  
暮寒那得不驚閨

蔡青居詩

圭

對君坐

行則搖止則坐修腳者所持器

足趺難行行若跛謀生賤業到來夥手持寸鐵爾何人  
一座公然對君坐

哭毛一雲甥

天心畢竟尚夢夢如爾孤存又早終九土可曾隨怙恃  
一衿便欲當窮通甥以去秋小試不利抑鬱致疾須知血脈生全賴無  
奈書香死并空幸是先期歸半月招魂免我悵臨風去冬

重至淮上到家已疾革

和潘麀生夏蟲四詠

趨炎未有不焚身簸簸燈前併命辰移得此心赴君父

玉關西去更何人

蛾

一生最好附腥羶不住營營在眼前幾陣西風吹戶牖  
癡兒終有凍僵天

蠅

草根流影到窗虛小扇兜來夜讀初一點靈光明復暗  
紗囊照得幾行書

螢

疏槐古柳綠陰移嘒嘒鳴聲夕照時便是露多飛不進  
占身也在最高枝

蟬

意有未盡續得二絕

一鍼流毒痛中腸趁著炎威任底狂畢竟蜜官等花賊  
樓臺一寸漫稱王

蜂

葵青居詩

三

漫向泥塗覓賞音壞牆缺處笛聲尋此身雖屈何曾屈  
一滴清泉識苦心

蚓

腰患陡發常日奄卧朋舊問疾者踵至生徒在侍  
有過於弟子職者作長句報之

疾隨老至復何辭鎮日牀頭一枕支恕我折腰當送客  
虧他便腹不嘲師奇方豈有消憂法好境惟存入夢時  
爲感殷勤諸子意莫言痛癢自家知

詠夷榻

架鐵爲身足設機關可轉之行茵厚而鬆著臂  
處窪下兩股帖然病中坦卧甚適

如軒如輕復衡平下榻還堪緩緩行  
皺若雞皮偏軟美瘦於鶴骨足支撐  
先生高枕林泉福老子胡牀風月情  
最是安舒攤手足衰翁病體賴加輕

題茹冰紡雪圖

茹冰冰亦飽紡雪雪爲溫九歲孤兒苦千秋阿母恩回  
春風入座寫影月當門超出兵塵外長宜守子孫  
圖失而復得

自題畫蘭

瓊姿也合在瑤臺仙珮誰教入室來  
好與此花同寫影月窗移到一枝梅

葵青居詩

詩

眼底繁華鬪豔妝名園競說好春光  
那知空谷深深處盡日無人花自芳

好夢分明說國香初心擷取冠羣芳  
可堪騷士秋吟日已動美人遲暮傷

欲采芳馨願已違南陔失蔭舊春暉  
蘭肴潔養知難補忍誦亡詩東廣微

殘春香影散風簾斷卻蘭因別恨添  
猶記織織花一朵

畫中人向手中拈

亡婦鮑有采蘭小影

移得芳叢傍小欄欣言一室足清歡  
年來百事無風味只愛心言臭似蘭

敷榮蕭艾豈同論秀骨森森在寸根玉樹庭前應並植  
誰家偏讓莠當門

花影因緣憶昔初寫來喜氣復如何秋風大是無情物  
錯認當門欲並鋤

貝子木半行盦詩存刻成率題律句並簡調生丈  
滬上

此才豈料老儒冠旅食天涯到蓋棺好句都從愁裏得  
名山慣向客中看一編厄運何妨再千古詩名定不刊  
善本留真徧傳播交情最是石林難

刊本付

子木遇亂重失其稿賴調文錄有真

葵青居詩

差

題夢劉圖

故友王韞齋

汝玉

夢爲劉貢父後身越明年韞

齋沒其弟子劉泖生爲繪是圖題詠殆遍以予

與其師舊交特留末幅索題前一夕予適夢見

韞齋天下無因而有果者此耶抑其待予題者

卽因耶爰衍成律句

夢奇因紀夢我夢亦奇緣落月魂初返清朝晝至前良

朋原不死弟子自多賢

瀆川徐賦秋亦韞齋高弟避難滬上攜其遺稿以出于因得遍

讀留得題詩地如將後果圓

題劉泖生莎廳課經圖

劉向傳經經分部劉幾墨莊可指數劉畫愛學亦知名  
君之先人繩其武衙齋教子富遺經一燈汗簡光同青  
作圖致慨溯年少夢回彷彿猶莎廳一編貽我新駢體  
宋豔班香古人比文翰莫非經之腴卽此淵源想穀似  
題徐彬甫耕讀遺照

徐陵生性愛文章水郭雲鄉舊隱藏最好閒情課耕讀  
誰知小影閱滄桑克家有子能爲守亂世多財非不祥  
若使隻身與塵劫一門劒佩共鳴鏘君家永昌庚申之亂羣從團鄉勇與官兵聲勢相倚爲一時重鎮

涑兒赴試金陵詩以戒行

葵青居詩

去

回首名場卅六年呼兒重上秣陵船江山歷劫仍無恙  
文字知音各有緣不爲悲秋吾亦老敢言好夢爾能圓  
誰家父子連翩去垂白還希蠹化仙歸安戴列卿年二十尊甫陽谷六十年自京兆試後久絕迹矣

憶秦淮舊游疊前韻

高興猶懷壯盛年秦淮頻泛渡江船板橋踏月柳邊影  
水閣尋詩茶裏緣客思每偕秋燕語夢痕不共浪花圓  
石頭路滑能前導安得筇枝健似仙

八月十五夜有懷涑兒白下倒用前韻

大羅果否會羣仙一望長空月正圓桂子秋風誰得意

槐柯春夢我無緣也曾挾策燒高燭從此臨江盼遠船  
一樣南樓思子念遺詩忍復話當年甲午科先君有中  
秋與內子南樓坐

月有懷兩  
兒白下詩

### 自題六十七歲小影

冒寒鶴立認何人豈是清修夙有因頑石偶然參色相

梅花香裏著吟身

舊時萊蕪感孤根今日家園芥有孫看取畫圖便嬉笑

蒼顏似識阿翁尊余四十一始得子襄孫  
以今年七月七日生

堂堂白日半蹉跎莫道流光一刹那花甲未周溯家世

論年小子幸加多末二句用  
放翁詩意

### 葵青居詩

已是珠還又劫灰追思祖澤一心摧寫真只自餽牆壁

忍說巾箱保護來先祖遠梅公遺照江浙詩人題詠殆  
遍當時曾失去旋得之邗上劫後不  
堪問

矣

### 前詩既竟意有未盡更成四絕

處世最難享清福立身須要避浮名長康蔗境吾何有

南郭吹竽覩此生首二句余舊時楹聯  
製以勸林少初女夫

不為問柳尋花事羞作營營逐臭夫一種情懷非怪僻

頭銜只合號迂儒

幾人顛倒衣裳慣一老綢繆牖戶難家住清嘉勝清素

回頭那得不心寒首二句用  
石湖詩意

一生受用惟知足萬事隨緣莫強求但使兒孫守斯語

清貧能耐我何憂首二句余舊聯賞書以自勵

七十述懷

垂老流光類轉輪詩情卻共歲華新小名聊紀廿三日

後唐路王小字二十三以正月是日生也後避二十為廿重慶曾逢四代辰我生之初曾祖

祖父母本生祖父母俱在堂不信孱軀能歷劫本無恆產只宜貧梅

花破屋還依舊便是先生杖履春

功名無分也稱科

曠典其如老醜何書卷留存胸次少親朋散入夢中多

久經伏櫪身將廢偶爾臨池手向和小隱願為石湖長

葵青居詩

夫

祠荒何處挂漁蓑家祠在石湖有好湖山處白雲舊隱諸精舍遭難毀棄

豈是丹成怕作仙升沉局定我生前穹官要具經綸手

素士祇憑翰墨緣卽事多欣雲易散終天有恨石難填

附身附椁都無著偏夢麻衣伏道邊先慈於庚申六月沒於鄉越歲間道

歸葬諸事荒率

兩代詩名一瓣香先祖遠梅公清素堂集刻於嘉慶紀元板今毀棄先考藹士公聽雨樓稿

尚木傳家況復訓詞長高祖恂齋公著有過淫敦孝篇傳家寶訓兩書行世前一種今

重刊克稱肖子談何易得抱童孫願亦償秋圃問誰矜晚

節春光猶自戀斜陽徵歌若許投珠玉勝列長筵累十

觴

重九日同雷子甘杞陸子穉松劉子泂生潘子磨  
生姚生鄰梅兒子方涑隨侍泛舟石湖

望裏楞伽塔影攢昔游如夢墮荒寒偶從風月佳時到  
無復湖山好處看

家祠有好湖山處極臨眺之勝今燬於兵

老屋已隨秋草

沒故人況共曉星殘

謂調生序伯同叔諸丈及飲魚視孫常共眺覽

衰翁何事

空鳴咽客有吹簫恐不歡

撥棹湖心覽素秋同舟多半是名流廣微作畫稟先定

稚松許

爲作圖夢得題詩字待搜

謂泂生

茶竈筆牀高隱遠波光

月色舊痕留

前修越城橋余題柱聯云碧草牛湖青山一面波光萬頃月色三秋今尚存

回

船不紀今朝興水鳥飛來怨白頭

葵青居詩

堯

秋日偕潘磨生務之弟及兒子方涑泛棹橫塘展  
故友張硯孫墓

此酒可能注便乾回思豪飲一悲酸墓門今日筵虛設

書舍當時席其安老友何期稱後死同人大半墜前歡

謂黃丈同叔及其小阮飲魚劉硯青

清波不隔橫塘路倘得年年一度看

八哀歌

并引

黃丈同叔三十載至友也今年亦七十墓木已

拱一子前卒屆其誕期設酒肴祀之陪以吾師

朱條生姑夫及其小阮飲魚張子硯孫胞叔農

生堂叔亮卿鷺洲胞弟芝孫之數人皆當日所

與交好無間者爰仿杜老體作詩侑之其間子嗣之有無蓋有不忍明言者故余尤感慨無限

云

同叔世誼丈人行郡中大事吾敢當餘藝篆刻抉天章  
哀哉卒以勞瘵亡吾師氣度波洋洋手提椽筆排天閭  
殿前作賦韻鏗鏘一官埋沒水曹郎飲魚信有不言芳  
科名未就乃退藏伉儷書畫相頡頏視孫豪氣作作芒  
醉後揮毫詩中狂乃祖名宦祀永康五叔素志樂徜徉  
窘於晚境弗改常無力逃威身被創吾生抱憾何可量  
二叔從師皆老蒼每試挈我觀文場此情此景那敢忘

葵青居詩

全

三叔熱血貫中腸有子幼學痛摧戕老死賊中骨猶香  
芝孫潔身玉比良兄弟二人弗久長胼又無子我心傷

冬筍

芒角露胚胎黃泥擁護來登筵如嚼雪出土不驚雷秋  
晚蕪將盡春初韭暗催經冬裝滿簍縷切佐新醅

風菱

百果快嘗新風菱獨取陳何嫌軀壳老轉愛色香真角  
易摧時斷腰難折後伸檐頭經日曬剖玉俟芳春

葵青居詩錄

夢癡草

附

吳縣石渠梅孫

哭亡婦四十絕

婦倪氏年二十歸予二十八病瘵八閱月而亡  
雖無德曜之賢頗抱安仁之痛不有紀述曷伸  
悲懷是淚是墨工拙所不計也

炊臼無端入夢來百年連理一宵摧  
絲絲縮就同心結化作相思寸寸灰

無分三山海上過情波倏又斷銀河  
誰知紙閣蘆簾裏淚比秋風下第多

子自壬午鄉試至今  
壬辰己丑落孫山

葵青居詩

附

殮時衣是嫁時衣斂衽依然色相非  
記得繡幃並肩坐銅盤紅暈燭花肥

朝罷公姑卸錦襦便從操作向中廚  
最憐健婦眞佳婦曾博高堂一笑呼

末二句謹足  
成家君語

林下高風若可尋生來約素是儂心  
畫眉縱有生花筆不問時妝淺與深

翩翩書記最憐渠米絆薪牽積算餘  
倘有一錢思未得夜燈閣筆幾躊躇

艱難稼穡宛深知一飯家常對食時  
粒米夜來恐狼藉拾遺粘紙細燃脂

論文樽酒劇情親樂與良朋互主賓繡閣不知爭刻燭  
薰籠斜倚待歸人

閨中習見境寬閒自嫁黔婁耐苦難記值阮囊羞澀日  
也曾親解手中環

乙酉予食餼於庠  
婦脫簪珥助共費

臨歧姊妹勸加餐珍重前頭路百盤惜別竟成長別恨  
淚珠滴盡雁聲酸

花開緩緩賦歸來別緒燈前話幾回貽我一雙新鞵履  
西閨牀畔手親裁

雙飛燕燕欲成窠難覓雕梁喚奈何一讓能迎堂上意  
幾曾安樂有新窩

戊子弟婚苦無營室處婦願以所  
居室讓避居於左家君喜領之

### 葵青居詩

附

二

嫁女婚男事總兼庭前指日辦箱簾紅羅斗帳芙蓉鏡  
不惜新妝取次添

己丑嫁妹奩具多出之婦謂可紆堂  
上日前之急他日嫁女可徐圖也

玉燕投懷入夢難每逢免乳膽先寒背人暗拭盈盈淚  
偏向郎君說自寬

懷中乳哺動經年學語牙牙黯自憐覓棗尋梨成小隊  
幾曾不在阿娘前

抱哺餘閒自在身又操井臼又縫紉雲鬢不載釵頭虎  
秋雨秋風自健人

氣誼全家一笑逢不因凶禮敢辭慵追思南阮仙游日  
扶病猶爲斂具縫

謂四月初旬珊林家  
叔沒也時婦病甫作

唾手功名志未降，怱怱離緒付銀缸。  
鄉心恐惹秦淮夢，不把修眉影皺雙。

消瘦妝樓舊日姿，桂花香裏數歸期。  
累卿無福吾無命，腸斷秋燈夜話時。

予在白門時，婦常爲人言，予亮能得一第，但恐已無福不及見耳。

出門空著祖生鞭，歸語牀頭一惘然。  
九載塵緣將斷處，秋江悔上秣陵船。

纏綿一病竟彌留，坐我牀前絮語稠。  
努力功名強食飲，爲儂不必淚長流。

婦臨沒時，諳屬備至今，思其語，肝腸猶寸裂也。

藥臼茶鐺棄壁隈，命關呼吸尙低徊。  
含辛婉謝尊章罷，還喚諸雛見一回。

沒時向我父母致謝，平生且作別云：兒婦去矣。

### 葵青居詩

附

三

拋撇多端爾恨深，未容一命遽消沈。  
只應此去依慈母，算慰重泉死後心。

婦自知病不起，泣然曰：我身豈可遽死，今已矣，但幸得與我母相見地下耳。

求醫問卜枉奔波，薑膾蓮臍采撷多。  
靈藥何人獨偷得，青天夜夜妬嫦娥。

骨相偏能禍福分，鸚鵡比翼竟離羣。  
由來日者言多妄，不信今朝累細君。

有相于今年當喪，妻者不料竟驗。

荷香拂處畫簾寒，奄忽霜寒總帳懸。  
同是君身棲息地，短眠今又作長眠。

每年度夏在花廳旁，室卽今停柩之所。

稍著賢聲戚黨中，齊眉佳偶說梁鴻。  
朝來一律傳凶耗，

惆悵西風處處同

偏心常說婦宜家任向高堂笑語譁辜負舅姑憐愛意  
夜臺應亦淚如麻

為憐兒婦已傷情忍向雙親淚復傾日午堂前強言笑  
孤衾夜半暗吞聲

眼前弱息兩分行宛轉牽衣欲覓娘慘絕采珠纔六歲  
也隨阿姊哭靈床

采珠二女字大女  
八歲知哭母矣

衰經居然服一般見人啼哭自嬉頑他時欲認阿娘面  
賸有遺容挂壁閒

四女方及暮三女  
四歲亦未有知也

生恐嬌兒寒最怯添衣添被自晨昏情知未忍開鍼線

葵青居詩

附

四

故向箱籠歷亂翻

每從未雨早綢繆蓋篋年年子細搜今日寒衣愁更著  
偏勞慈母補羊裘

書生作計每疏迂事事多卿促早圖常日佩弦弦忽斷  
臨機愁煞董安于

金鍼愛與小姑拈舞鳳盤龍傍繡簾此去日長增感觸  
五紋怕說一絲添

婦沒為冬  
至前三日

寒衾獨夜夢惺忪有酒空澆魂礪胸舍後荒畦鄰寺近  
驚心非為覺晨鐘

畢竟靈魂有也無故人曾許伴今吾半壺濁酒曹騰醉

果否親來力疾扶婦又云我死後魂魄常依君勿怖也  
沒後予往外舅家席閒嗚咽與語少  
飲便醉歸家卧後滿室聞紙

營齋營奠慰窮泉十萬充陳足俸錢忍誦微之悼亡句

青衫困頓已年年

男兒三十未成名匣劍深藏靜不鳴他日封侯縱堪覓

已教夫婿負卿卿

聊將幽怨託哀絃百歲因緣但九年漫說御溝紅葉兆

題詩只合付黃泉

予聘婦時家君求籤得御溝紅葉之兆

重哭亡婦四十絕

前詩既竟哀情未釋聽空階之夜雨看孤館之

蔡青居詩

附

五

鶯花觸目風光無非愁緒用復染翰寫憂得詩

若干首所謂言之不足故長言之爾

何嫌詩體涉香奩瑣屑閨情韻再拈一管生花枯未盡

夜燈和淚寫湘縑

書生例得婦持家課米量鹽願未賒些子不教消受盡

合歡一利又空花

聽人慰藉轉增酸莊岳何能付達觀惟有杜康眞解事

愁腸還得暫時寬

曾聞南道懺離筵一卷金經繡佛前微雨黃昏簾下處

憐人今亦受人憐

請誦甫家叔悼亡事黃昏微雨畫簾垂張禪猶子曙代禪悼亡詞句也

生計難憑筆力扶硯田賴爾潤乾枯天寒影折窗前竹

侍婢何緣更賣珠

家世業珠寶婦更裝作  
花朶賣之聊資沾潤焉

祇緣憐怛到空閨獨步庭陰日又西一種恨根還未斷

拋殘藥草自菩提

菩提珠根當時入藥所  
餘棄擲牆隈至今尚生

雪花如掌撲晶簾那有閒情賦撒鹽永夜關心憐小妹

寒衣親爲阿兄添

全家餞歲坐團欒進酒高堂合盡歡拭淨淚痕防淚落

當筵情味勝梅酸

錦瑟年華半渺茫椒紅柏綠又春觴尋常閨閣藏鉤戲

一自追歡便慘傷

葵青居詩

附

夜雨沈沈漏下遲閒樓別院獨敲詩玉臺不折鴛鴦侶

應是分燈刺繡時

翦刀聲和讀書聲寂寂房櫳伴短檠此去西窗風雨夕

箋詩怕更說雞鳴

掃除入室景全蕪卧起空閨弔影孤猶是綵繒親手織

壁閒高貼虎頭符

婦沒後予移卧父母所今反故  
處矣觸目神傷事不堪回首也

蕉陰暈雨一燈青蟋蟀聲中靜掩櫺曾是憐予貌清瘦

不教取冷到中庭

猶記遺言戲又眞爲君强笑暗酸辛釵光鏡影渾如昨

不見牀頭欸語人

婦病中嘗指奩具爲予  
言他日願觀物傷心否

梅花掩映月朦朧望斷音容紙帳中依舊留將鴛枕在  
莫言長簾竟牀空

中宵鼠齧幾回聽起理叢殘手疊經卻見當年新帖子  
倪門季女十三齡

奩中舊物幾摩挲未許飄零付逝波但是新妝羞學樣  
遺嫌賸粉亦無多

鬢髮如雲髫不施彈琴猶記曉妝時綠窗鬢影如泡影  
做簾蓬鬆好護持

誰家閨秀頌椒盤未有清詞屬筆端生計米鹽數行字  
當將遺墨案頭看

葵青居詩

附

七

古硯端溪紫石瑛松煙洗滌幾番更不教覆水隨泥水  
一種當時惜墨情

慈航何事斷情波奉佛平生負爾多百八牟尼珠一串

癡心還許誦彌陀

予買得瓢珠一串婦乞為病愈禮佛之用

檢得魚書讀一巡墨痕依舊數行新而今珍重成何語

同是空牀夢裏人

偶檢得婦姊閣中手書姊既亡婦距其沒時纔暮月耳

舊裙青袂試新裁城北春游許共陪今日春來人去遠

落花風颺紙錢灰

去春婦庶母曾邀共游拙政園

奉帚來登母氏墳淚痕和雨濕羅裘扁舟重過橫塘路

一樹梨花一憶君

去春三月下旬曾與諸姨展外姑墓歸數日而疾作

箱簾收拾偶言歸已覺離情未忍違況是海天常隔絕  
淒風苦雨一空幃

偶然魂魄傍予棲忽聽村前喔喔啼不悟塵緣都是夢  
回身卻怨五更雞

誰將弱息撫飢寒辛苦重闈著意看祇爲無知便無母  
一經到眼一心酸

裏就蓮花步步金臨危織屑繫娘心近來情態卿休念

稍傍諸姑學繡鍼

婦臨沒時屬諸女當慎聽人言復自歎曰只此裹足一節已累人多矣

無端雛鳳斬如驂曾祝添丁禮佛龕遺恨猶留遺語在

辜君香草草毓宜男

葵青居詩

附

八

夢到熊羆兆果成眼中有子拜前楹他年跨竈稱千里  
畢竟駒兒是所生

弱女非男幾度量無窮心事入愁腸充閭盼斷鰥魚目  
何日懸弧願定償

半生未了三生願今日還逢百日期手執一杯和淚奠  
箇中酸苦只卿知

儼然環珮是耶不阿堵難傳翦水眸每讀西堂句惆悵

生前小影不曾畱

多感同懷繫念深爲資冥福禮觀音仙壇散出天花好

可識尊前姊妹心

婦百日其適陸顧兩姊爲建道場於斗姆閣

天岸詞

觸景無非感逝情風風雨雨是清明靈筵檢點羹肴罷  
贏得慈姑淚又傾

料理須教冢婦俱重提此語一嗟吁聰明應未生前減

還記高堂繫念無

家慈自辛卯病後精神頓減家嚴每言此後嫁女當大媳婦主持也

搖搖陌路擁靈旛一去閭門不復還縱使殯宮猶有伴

旅魂應唱念家山

時與叔母王同權厝雙橋繼善堂

先塋卜兆已難容合與重營馬鬣封又恐孤魂太寥落

吳山佳處望葱蘢

祖塋及族葬多在吳山仍擬卜葬地於此

說到他生影已徂卽論同穴亦虛無癡心欲借翼開筆

先寫人閒鬼趣圖

葵青居詩

附

九

壯年不作京華客生曠翻從曠野營一種悲君自悲意  
茫茫身世淚縱橫

癸巳初度

眞覺浮生負負呼卅年過後又懸弧自憐有室翻無室  
況是今吾尙故吾羣伴看梅游早嬾替人鬪酒興先孤  
平生不解愁中味一自神傷淚盡枯

猶記高堂介壽辰去年風景宛如新半勻翠黛妝初整  
雙立紅綸酒疊陳中饋羹肴嗟咄辦餘情臧獲笑言親  
而今此日知何事寂寂靈筵滿室塵

苦雨兼旬久不見月上巳夕薄雲掩映微露一鉤

一春風雨逼人寒  
嬾向晴空望玉盤  
不道情天情最薄  
故將眉樣與人看

小樓春盡

曾是瓊筵引滿時  
紅妝旋被峭風欺  
鶯傷別緒嗁應老  
蝶戀歡場夢轉癡  
斜日光陰馳若箭  
落花消息斷如絲  
小樓一種銷魂意  
不遇春殘總不知

夜聞穉女啼挈之同睡竟夕帖然

憐爾未離乳爾母  
便就木念母爾豈知  
胡爲中夜哭諸姊  
襦襟時提抱不我欲  
爾獨戀阿爺此理豈  
無屬上牀爾安眠我  
心終夜蹙

葵青居詩

附

石榴花

如荼如火照簾櫳  
香泛蒲筵酒正中  
猶是羅袞相妬處  
花光不減舊時紅

摘前賢悼亡句爲圖各系一詩

如彼翰林鳥雙飛一朝隻潘安仁句

鴛鴦戲清沼燕子巢屋梁  
與君爲夫婦恩義兩相當  
晨餐同几席夜眠共匡床  
鸚鵡比翼羣自謂樂未央  
椿萱茂崇阿愛日舒以長  
昊天胡不弔冥冥增嫩張  
毛羽未及展哀鳴忽斷行  
行斷不復續飛止交旁皇  
豈無雞鳴什亦有關雎  
章執卷不忍讀淚落沾衣裳

階前水光裂樹上雪花團江文通句

同雲彌遙空庭隅寒氣積天運厲窮冬人事亦變易憶  
昔月在己君病猶未亟醫藥慎調護謂可轉瞬釋鬱鬱  
暑氣蒸颯颯涼秋逼時光歛推移病勢轉之劇陰風西  
北來矻肌增怵惕鬼火閃空房危命畢今夕雪花入戶  
飛靈幃耿虛白哭君君不聞感時空悽惻梅邊春復回  
人去無消息

更無人處簾垂地欲拂塵時簟竟牀李義山句  
儀容一消歇幽室常晝閉昔日合歡場今爲離恨地獨  
夜秉燭來望廬心先碎念我同心人妝臺此把袂生死

葵青居詩

附

上

一以分溫涼迥異態蜘蛛網屋隅鼠蹟雜粉黛欲言孰  
與語形在惟影對豈無絮絮衣複疊閉箱笥豈無團團  
鏡浮塵暗蒙翳常恐舊景迷種種仍位置微物何足珍  
所御不忍棄眇睐徒周遑脈脈上牀睡

蕭郎獨宿落花夜謝女不歸明月春溫飛卿句

花落不上樹月滿雲掩之愁人怨長夜感此益歔歔伏  
枕不能寐起坐更何爲靄靄春正融冷氣出牀幃展轉  
眠始熟魂魄入夢來憐我長相憶慰我久別離與我振  
衣裳爲我拭涕洟恍惚而分明悲喜萃一時執手將復  
語鄰鐘忽已催回身一疑想愴然雙淚垂

手攜稚子夜歸院月冷房空不見人白香山句  
銀雲慘羅幙冷月窺重門攜雛入虛室遣愁愁更真幼  
者語啞啞念母了無因長者雖有識繫念豈長存今茲  
便爾爾況乃經幾春猶記彌留夕一一顧逡巡舉言啓  
阿母累母多苦辛回頭見小姑斯意始具陳冷煖幸而  
視飢飽幸而均姑息我弗善訶責我弗嗔使彼無母兒  
常如我生辰生死雖異途戚戚仍勞神

與君營莫復營齋元微之句

生不榮樂享死後皆虛設齋莫夫何爲安知事有益前  
廳置道場後室陳几席莊嚴粲七寶水陸紛羅列古人  
葵青居詩  
附  
重糟糠藉此自解說嗟嗟微雲壻祿養空情切安所得  
俸錢爲君展籌策人命危朝露況復窮通決窮通不可  
知私願常縈結貧賤百事乖何由報平昔

長干鍛羽幾年年擁髻挑燈黯共憐尤西堂句  
天香吹不到日月浮雲逝弱冠試秋闈青衫著已做得  
失固知命被黜輒隕涕愧彼閨中人盼望歲復歲背地  
爲我愁尊前爲我譬匱玉自有賈贖山慎勿棄天心鑒  
苦功丈夫貴立志不見出籠鵬終奮摩天翅奮翹果何  
時斷羣復何意強顏事筆墨中腸抑以滯愁心當告誰  
秋草滿階砌

一樹棠梨照殯宮王漁洋句

棠梨翳叢棘白楊何蕭蕭隻棺寄空屋紙旛逐風飄生  
時不踰闕及今委荒郊啾啾復啾啾鬼聲雜煩囂平素  
膽常怯母乃心搖搖願言謀窀穸事成非一朝泛棹來  
殯宮滾滾胥江湖藝香揖虛位聊復杯酒澆游魂在何  
處花影空含嬌同穴雖有時恨恨那可消

七夕詞

遙空一色披雲霧銀河耿耿分天路愁人躑躅步閒階  
悵望今宵牛女渡牛女徐來駕鵲翎橋邊隱約擁雲駟  
香風拂拂情方眷清露霏霏漏欲停幾家女伴開金屋

葵青居詩

附

三

幾處低頭暗邀福一種柔腸萬種情閨中此樂曾追逐  
尊前瓜果玉盤承暗裏蛛絲鈿合卜別有清辭寄思遙  
人生聚散易魂銷便教小別憐長夜但願重逢視此宵  
無端離緒催銀燭無端隻調彈孤鴿奩裏猶存翡翠釵  
樓頭空曬鴛鴦禱翡翠鴛鴦慘不溫欲將此恨問天孫  
紅箋疊寫江郎管碧海難招謝女魂魂斷經年難會面  
流光迅速驚奔電一樣神仙感別離年年歲歲還相見  
塵世徒悲碧月殘天緣自逐秋風便攪起愁懷展轉思  
夜深寂寞掩羅帷須知天上雙星會正是人間獨宿時

前圖旣成復繪八幅爲一册詩卽采之前八十絕

中句也因畫有詩此以詩入畫矣黃同叔丈黃飲  
魚張研孫皆有題句爰賦得三絕并酬諸子

詩懷寫盡別愁無更搵愁懷入畫圖讀罷殘燈人影寂  
秋聲吹冷一枝梧

分明綠慘與紅愁畫裏尋詩畫倍幽若箇傳神真妙手

蘭餘風味最宜秋

蘭餘書屋吳  
辛生寫畫處

多君憐我太情癡彩筆爭攄絕妙詞卻怪當年王武子  
未於孫楚有題詩

殯有日矣率賦四律聊以贈行

頓覺心頭萬念攢郭門指日路漫漫多情似我拋何易

蔡青居詩

附

十四

無計留君別又難荒草九原霜信早殘燈獨夜雨聲酸  
須知咫尺西階上尚有餘痕眼底看

不爲催租興已衰悲懷只有酒尊知可堪詞客題餽日  
又是愁人執紼時蠟炬燒殘灰欲盡鴻泥印淺迹無遺  
道場待結維摩室須識空囊費不貲

蒿里聲聲送晚風萍根逐水各西東已非執手言空贈  
想到齊眉怨更叢奉翌臨祠徒脈脈安仁命駕亦匆匆  
平時愁絕雙橋路不信君來寄殯宮

轉入輪迴詫異聞昔年說夢渺浮雲

族叔嘗病夢至冥  
府凡未葬者不得

轉生後見西陽雜俎載遇女鬼事云凡死者肌膚精魂縱  
骨未復于土神魂不爲陰司所籍與此說正合精魂縱

有三生石曠野曾無四尺墳聊託哀蟬吟落葉絕憐斷  
雁叫離羣從今淒冷荒郊外但得清明一視君  
殯之前一夕不寐口占

空床展轉夢都灰况復重陽百感催記得去年風雨夕  
病中猶盼榜花開

周忌述哀二十絕 錄十四

己分鸞刀斷水流情波起處更生愁寥天孤雁看重到  
彈指光陰歲一周

算來良月月何良寂寞靈筵奠酒漿離合悲歡成厯劫

風光歲歲斷人腸 余娶婦時為十月去歲婦亡亦以十月

葵青居詩

附

五

牀頭重續寒於鐵小炷留燈欲睡初不識殯宮荒冷地

西風峭厲更何如

無緣幻術叩鴻都碧落黃泉昧去途憐爾去年長別後

起居還似世間無

年年小別偶經旬薄晚閒閨念我頻地下有靈還記取

青衫無恙苦吟身

畫樓深處笑相持骨肉難逢並聚時不說眼前人已少

夜燈隻影自家知 兩妹時皆歸甯

風雨陰寒小病催重勞阿母日相陪夢中疾痛糶糊甚

不覺猶歌夜起來 用玉溪悼亡句九月曾患腎疽調藥惟慈母是賴

養河濡吻待茶鎗抱影無言對短檠偏是惱人臧獲輩  
隔牆竊話舊時情

不辭勞苦鎮堪憐提抱諸雛食復眠那忍忘君諳屬意

祇今服役又經年老嫗陳服役余家八年矣女兒脫乳後輒挈之同卧起婦臨沒時再三屬

勿舍去也

膝前總是吾生女新故何愁轉念差保爾歲寒無易慮

不教衣冷怨蘆花

撥斷琴弦韻不流鸞膠底事急相投東家豔說羅敷好

有客多勞作蹇脩

承歡也識慰雙親缺月重圓會有因朽骨乍寒腸已變

葵青居詩

附

六

九泉可怨薄情人

綠窗緘恨入冰紈印雪鴻泥畫裏看知我相思真刻骨

桃花石上鏤離鸞畫圖末每以小印鈐之取與畫意關合者別刊十數方同叔丈鐫贈離鸞

一印尤工

毫端哀怨總難論拭盡啼痕賸墨痕多感瑤華羣惠我

湘江蘭芷共招魂時題詞投贈者數十家

後悼亡

婦鮑氏名貴玉字藍生歸予二十六載今夏避

亂鄉居積勞於素憂患既迫命亦隨之嗚呼傷

已時庚申九月十日也予亦病瘧偃蹇牀蓐者

四月枕上口占得十絕

連理何堪再折枝生當厄運更難支一棺紙薄攜鋤去  
暮雨瀟瀟渴葬時

製就衣裳冷暖分生來手爪薛靈芸到頭缺陷難縫補  
殮具拋來一破褰

何物能存蛻後形舊時奩具盡飄零含辛拚得并州剪  
指甲紅留一點星

爲予潤筆暗留存奉硯來前笑語温今日遺衣看不得  
一行墨是舊時痕

予作大字婦恆爲磨墨獲潤筆輒請  
日君辛苦終年束修盡供薪水願卒  
守此惟君用

葵青居詩

附

七

卅載從無一語違閨房靜好兩心知而今我尙存皮骨  
痛癢相關有阿誰

漫悵春暉德未酬夜臺應復住同樓晨昏若問兒消息  
但說安康莫說愁

先慈沒時婦病已劇猶強起視斂枕  
上聞予泣每嗚咽日焉用媳婦爲祇  
此哭泣之哀不能也

有女西莊苦意邀移家認取路迢迢幽魂應伴慈姑去  
歌到大招還小招

死亡萬室亦云多敢怨天公獨我苛只是令妻承壽母  
向來魯頌喜高歌

幾時歸骨傍先塋忍說艱難異日情一語報君祇眼底

欲生無計死無名

先慈沒於六月叔母居外姑鮑七月

至斷  
炊矣

兒年十八纔初度六十衰齡實偏時父是輕塵兒弱草  
那堪朝暮為君悲

前藁命兒子錄出顧念婦為後母與宜家之道有  
足多者更占四絕并懷二女四女

自昔蘆花性易偏入閨我獨意安便翻憐前婦多明智  
後會因緣種在先

子與婦為中表親前婦素知其賢臨沒時屬子妻之

愛女咸知後母賢勞心到嫁幾經年箱簾物物須完美

焦仲卿妻詩有云箱簾六七十綠碧青絲繩

卻又清貧為我憐

婦善撫子女亦能承母自

葵青居詩

附

六

幼及嫁始終無間前婦母家倪尤亟稱之謂足為後母標式云

嫌隙都從妯娌生如君情性最和平居然理趣能參透  
記爾聲聲講一誠

婦每謂家庭嫌隙發端至微惟誠無不動但恐我之待人有不誠耳

一女同居一女亡還遺兩女信茫茫清宵倘動思家念  
只認堂前並壽康

三女邵夏間與夫婿先後沒二女林四女史皆未知逃避何所

口占示子涑俾知阿母佐家之難與愛子之摯他  
日并以語新婦也

豈有貧家婦易為如余門戶更難持一生好事從頭數  
算爾惶惶墮地時

寒家逮子無恆產矣然席祖父之遺外人不以子為貧約也艱難之況惟

婦共之

心事常年與其論幾經嫁女盼男婚分明室有慈姑在  
未見新妝婦入門兒子論婚樂安婦以出自名門語及  
輒喜予曰安知他日之宜家而意得  
若是一笑婦曰此卽所謂誠無不動也況婦姑間乎遂相與  
婦恆諱言病曾一語人云我恐不及見新婦矣

蔡青居詩

附

蘇城郡廟西首  
謝文翰齋刻印

九

一發  
木良蘇  
心傳常

